

LA
CRONACA DI GENOVA

PUBBLICATA IN PARIGI NEI PRIMI ANNI

DEL SECOLO XVI

RIPRODOTTA DAL SOCIO

VINCENZO PROMIS



NELLA Biblioteca particolare di S. M. in Torino si conserva un prezioso volumetto in 4.° che contiene una assai interessante cronaca, la quale esattamente copiata sull'originale offro ai cultori della storia della nostra Penisola, ed in modo particolare della Città di Genova. Consta di sessanta facciate, senza numerazione di pagine e con segnatura A-E tutta di terni. La carta è assai forte e senza alcuna marca. Il carattere è gotico francese, assai ben formato con molte grandi iniziali intagliate in legno ed ornate di figurine e di fiori. Ogni pagina completa conta 38 linee. Non troppo corretta è la punteggiatura, come fuori di luogo soventi sono le maiuscole: inesatta ne è pure l'ortografia, che conservai in massima parte, correggendo solo pochi errori che ren-

devano le parole incomprensibili, come ad esempio l'uso di molti *u* per *a* e viceversa, e togliendo le numerose abbreviazioni che vi si scorgono.

La prima pagina è interamente occupata da una grande iniziale *L* bizzaramente ornata a figure ed animali; sotto cui sta in due righe il titolo che resta compito così: *La Cronique de gennes avec la totale description de toute ytalie*. Come curiosità unisco il calco di questa iniziale (1). Il titolo più in dettaglio si trova nella pagina al retro del frontispizio, con cui ha principio la cronaca; e come vedesi è cenno ivi in modo principale di Genova, senza tralasciare molte notizie circa le altre parti d'Italia, cominciando dai tempi più remoti e venendo al 1507 quando in maggio Luigi XII re di Francia prese possesso della capitale della Liguria.

Termina la cronaca a metà della pagina 57, dove comincia una canzone in versi francesi e certamente fatta da un francese, in cui descrive le principali qualità di Roma, Venezia, Napoli, Firenze, Genova, Milano, Londra e Bruges in confronto a Parigi cui in tutto dà la preferenza.

Finisce la medesima colla pagina 59 e colle parole:
C *Cy finist la cronique de Gennes.*

L'ultima pagina è totalmente occupata da una grande silografia dello stampatore.

In un rettangolo vedesi uno scudo un po' inclinato e caricato delle iniziali *M Le.* unite in nesso e bianche su fondo nero. Gli sovrasta un elmo di profilo con corona gigliata ed aperta, con lambrecchini e con cimiero di un

(1) Ved. Tavola I.

busto di moro vestito e col capo cinto di benda. Sostengono la targa due donne more riccamente abbigliate e ritte su terreno fiorito, sul quale è disteso un nastro col nome intero del tipografo . *Michel . . Lenoir*.

Di questa marca tipografica, che il Brunet riporta, ma molto ridotta, unisco pure un esatto calco (1). Non è indicato il luogo nè la data della stampa; l'ora descritta silografia ci dice però chiaramente che fu impressa la cronaca a Parigi, e forse nello stesso anno 1507 od in uno dei primi susseguenti, rilevandosi ciò da un altro libro escito dalla stessa officina, e riportato pure dal Brunet (I, 1856), cioè dal *Tresor de la cite des dames* di Cristina da Pisano, alla cui fine, seguita dalla stessa marca, leggesi: *Imprime a Paris par Michel le noir le iiii io^r de decembre Lan mil cinq cens et trois*.

Tre edizioni sinora sono note di questa cronaca e rarissime, cioè quella del Lenoir, di cui il Brunet ebbe notizia senza che però l'abbia veduta, e due di cui dà la descrizione (I, 1863) e che differiscono dalla nostra. Sono ambedue in 8.º di fogli 48, la prima stampata a Parigi pure nel 1507 e porta in fine:

Cy fine la cronique de gennes et de millan abregee avec lordonnance et police faicte par la dicte ville de gennes par le roy de france luy XII de ce nom. Imprime a paris par eustace de brie marchant libraire demourant au sabbot derriere la magdaleine. Et luy a donne la cour de parlerment un an de temps pour vendre et distribuer ses ditz livres venant du commencement du xvij . iour de iuing Mil . v . cens . et sept

(1) Ved. Tavola II.

La seconda uguale alla precedente ha però in fine al verso dell' ultimo foglio su quattro righe:

Cy finist la cronique de gennes et du pays dytallie abregee avec ordonnance et police faicte en ladicte ville de gennes par le roy de france loys douziesme de ce nom, Imprime nouvellement a Paris.

Questa edizione pare al Brunet posteriore alla precedente del 1507.

C La cronicque des genevois: avec la totale description en abrege de tout le pays dytallie Contenant la situatcion: longueur et largeur: ensemble les seigneuries: contrees et provinces principalles qui y sont: avecques l'estimacion en particulier de l'argent qu'on tire communement tous les ans des dictes seigneuries dytallie.



YTALLIE selon l'estimacion de Plinius et de : oslinus qui furent grans historiens et cosmigraphes fut premier appellee des grez Hesperia: et depuis par le roy ytallus de son nom appellee comme elle est maintenant: cest assavoir ytallie. Laquelle est pour la plus part environnee de deux mers: Cest assavoir devers le midy de la mer mediterranee, et devers orient de la mer adriatique: devers le septentrion des montaignes dalemaigne: lesquelles selon ptholomee sappellent les mons de adulla. Et devers occident des montaignes de Gaule. Et au long de ladicte ytallie ya des autres montaignes qui se nomment les mons apennins

qui commencent au bout de la provvence en la conte de nice a la riviere de gennes et durent iusques a la cite danconne qui est sur ladicte mer adriatique. Et depuis recommencent a lentre de ce royaume de cecille au pays d'aprus et vont d'ung costé au long de la poullie iusques empes le mont saint angel autrement appelle le mont de garganne: la ou fut la premiere apparicion de monseigneur saint michel archange. Et de lautre costé tirant en calabre durent le ditz mons apennins iusques empes regio sur le far de messine.



OCTOVIEEN auguste apres quil eut fonde la cite dacuste quon dit en latin augustia qui est par dela le mont iou quon appelle autrement le mont saint bernard. Laquelle cite il voulut estre nommee de son propre nom fist faite aupres de ladicte de cite dacuste ung arc triumphal de merueilleusement grosses pierres qui encores est en nature. Aussi au pied de la Valee dacuste par dela le passage quon appelle communement le pas de hanibal empes le chasteau de bar fist faire ung pont quon appelle maintenant le pont saint martin qui pareillement est de merueilleuse matiere. Aucuns historiographes dient que ledit octovien fist faire ledit arc triumphal pour lentre et commencement du pays ditalie. Autres dient quil ordonna ledit pont pour la vraye limite dudit pays. Mais on peut aussi bien prendre ledit

commancement dytallie au pied du mont senis au lieu de la nonnalese qui est a l'entree de pyemont ou au pied de nuonvisol qui est la plus hault montaigne dytallie: de la ou part la riviere du po au marquisat de saluces. Ou selon la description de blondus ledit commencement dytallie se peut prendre a la riviere du bar ou du var au bout de provvence a une lieue par deca la cite de nice sur la mer. Et sont presque equalles lesdictes lymites qui sont devers gaulle. Et la fin de la longueur dytallie est a ladite ville de regio en calabre sur ledit far de missine qui est au bout du royaulme de cecille. Et contient en tout cinq cens quatre vingtz: et .xiiii. mille de long que sont .cc. xcviij. lieues francoises comptant deux mille pour chascune lieue dont la cite de romme est assise environ le milieu de ladicte longueur dytallie et la ou est la plus large: cest depuis la ville de ronnerie empres la cite de trent qui confine en autriche iusques a ligourne en touscane qui est sur la mer mediterranee: et contient deux cens .xxviii. milles qui sont audit compte .c. xiiii. lieues que a ledit pays dytallie au plus large: et par tout les autres lieux est beaucoup plus estroit.

¶ Cy se devise ladicte ytallie selon le temps present en neuf parties

¶ La premiere se nomme lombardie qu'on souloit appeller en ytallie gallia cisalpina.

¶ La seconde est venise et la terre que les venisiens tiennent en ytallie.

¶ La tierce appellee romanie et au temps passe s'appelloit flammia.

(*) A. ii. ¶ La quatriesme partie est la marque danconne et antiquement sappelloit pincenum (*).

¶ La cinquiesme est la duchee et riviere de gennes quon souloit appeler liguria.

¶ La sixiesme touscane et ou temps passe sappelloit ecturia.

¶ La septiesme partie est la duche despoulete quon nommoit par avant umbria.

¶ La huytiesme sappelle campagne de romanie et au temps passe latina.

¶ La .ix. et derniere partie dytallie est la royaulme de cecille.

¶ Comment de toutes les parties dessus nommees sera faicte declaration cy apres



OMBARDIE qui est la premiere partie de ytallie commence en pyemont et dure dung coste iusque sur le gouffre de venise qui est la mer adriatique devers la cite de ravenne: et de lautre coste tirant le grant chemin romain va iusques a boulogne la grasse et contient la principaulte et pays de pyemont: les marquisatz de saluces: de montferrat: de ceve et dancise. La conte dast: la duche de millan: les villes et citez de cremo: beygamo: bresse et veronne. Le marquisat de mantue. Les baronnies de carpi: de correge: de lamirandolle et la duche de ferrare. Et est ceste premiere partie la plus

grande la plus peuplee et meilleure de toutes les autres. Et a .ccc. x. milles de long depuis le commencement de pyemont iusques a la dicte mer adriaticque: et au plus large le dit pays de lombardie a environ: c. LX. milles: cest depuis les alpes qui confinent en austriche iusques au mont saint pellegrin en mondennes qui est des de mairez apennins tirant en touscane: et recongnoist la plus part de ceste premiere partie lempereur excepte ferrare qui recongnoist le pape. Et le marquisat de saluces qui recongnoist le roy comme daulphin de viennois.

¶ La seconde partie.



VENISE et les terres que les venissiens tiennent en ytallie est la seconde partie et contient premierement la cite de venise: chirge mont alban et lauret apres les fosses sur ung des bras du po venant devers la cite de ravenne: et au long devers la mer adriaticque. Et devers lombardie ont la marque insanne: et tirant en hongrie et en esclavonye ont lesdictz venissiens les provinces de instrie et lo friuoal anciennement apellee ferum iulii: ou souloit estre la fameuse cite de acquilleya: la quelle environ lan de nostre seigneur .cccc. cinquante et six fut destruite.

¶ Athilla roy des huncs quon veult dire qui sont maintenant les hongres: le quel flagellum dei fut appelle destruisit la plus part ditallie. Et en icelluy temps plusieurs des habitans des bonnes villes voysines de la ou

apresent est la cite de Venise Cest assavoir de ladicte aquilleya: de padue de concorde de vincence de varronne de manthue de milan de pavie et de plusieurs aultres citez de lombardie pour eviter la fureur dudit athilla. Et pour sauver leurs personnes et les biens quilz peurent emporter se retirerent dedans certains marectz et petites ysles ou bort de la mer adriaticque et la ilz habiterent et firent leur demeure. Et confinent lesdictz venissiens devers la lombardie a la duche de millan au marquisat de manthue et a la duche de ferrare au long de la riviere du po. Et devers septentrion confinent en austriche aux terres de lempire et en hongrie et devers la grece en esclavonye. En ont les terres que le venissiens tiennent en ytallie .cc.l. mille de long et de large environ .c.l. Et nen reconnoissent personne: pour ce quilz detiennent ce quilz ont de tout leurs circonvoisins combien quilz veullent dire le contraire et quilz possèdent tout a bon tiltre.

¶ Et premierement detiennent du pape les citez de ravenne et de cerme lesquelles le roy pepin donna au pape adrien premier et a la sainte eglise de romanie.

¶ De lempire pareillement les citez de padue de vincence et de veronne. A padue y avoit trois gentilz hommes nommez de la carrara: a vincence ceulx de la cavalcabove. et a veronne les nobles de lescalla lesquels estoient seigneurs desdictes trois citez et par lesditz venissiens ont este chassez les ungs apres les autres puis environ quatre vingtz ans en ca et se tenoient de lempire.

¶ Pareillement du roy de hongrie detiennent partie de la dalmacie la ville et part de iarca et plusieurs autres bonnes places et portz de mer.

☞ De la maison daustriche la ville de mestre: la cite de tra (*) vis et toute la marque travisane: les villes de feltren et de hutdenne et plusieurs autres bonnes places devers triest et aussi devers la cite de trent venant en veronnois que sont de toute anciennete de ladicte maison daustriche.

(*) A. iii.

☞ De levesque du trent detiennent la ville de romiere et aussi plusieurs autres places de son evesche.

☞ De la duche de millan aussi detiennent la bonne ville de cremonne: le citez de bresse et le beygamo. Combien quen veult dire que ces deux citez estoient de l'empire.

☞ Du marquis de manthue detiennent les villes dazoule et de piscara et plusieurs autres bonnes places que sont dessus le lac de garde et la environ.

☞ Semblablement du duc de ferrare detiennent la ville de roygo: labbadie et le pays de polisine aussi.

☞ Sur monseigneur de savoie pareillement detiennent hors dudit pays dytallie le royaume di chippres a lui appartenant par droit et par vraye et legitime succession de son feu frere le roy ianus: et par donacion que en fist la royne de chippres sa femme a la maison de savoie. Aussi il y a encore deux enfans de feu iacques de lezinen bastard de chippres: lequel a layde des venisiens en fut fait roy par force. Et puis le marierent a une fille venissienne qui est encores en vie: et destiennent lesditz enfans prisonniers dedans le chasteau de padue: Et depuis le retour du roy trescrestien de la conquete au recouvrement de son royaume de cecille detiennent les meilleures villes et portz de mer de la poullie. Cestassavoir octrento brandis monepoly poligano: mola et tranne.

☞ La tierce partie



ROMANIE est la tierce partie qui commence a ravenne sur ladicte mer adriaticque et de lautre coste devers le grant chemin romain commence a boulogne la grasse et dure iusques a la cite de pesero qui est pareillement sur ladicte mer a lentre de la marque danconne. Et dedans ceste partie se contiennent le citez de ravenne: de come: ladicte cite de boulongne et partie de boulognoys Les contez et seigneuries dymolla: de fayance et franly le val de lamon: casteotar et le val de fasconne. Laquelle les florentins tiennes en ladicte romanie. Les villes de lugo: de massa et de baigna caval qui sont audit de ferrare et la ville de cothocgnola: de laquelle partie esforza qui fust ung vaillant cappitaine filz dung homme mecanique: et dudit esforza fut filz le conte francisco qui depuis se fist duc de millan. et de luy est venue la maison eforzesca. Laquelle puis environ .LV. ans detiennent la dicte duche de millan. Aussi en ceste partie sont les citez de bertammora: de cisenna et de arreminy: le port sezana: tico et plusieurs autres places Et a ceste romanie .iiii. xx. mille de long et le plus large est communement de .xxx. a .xxxv. mille: et a sur dextre les mons apennins et sur gauche ladicte mer adriatique: et y a quelque ville qui est au pape et le surplus le doit recognoistre.

¶ La quatriesme partie.

LA marque qui est la quatriesme partie vient apres ladicte romanie et commence la cite de pesero et dure iusques sur la riviere du tront qui est une des entrees du royaulme de cecille devers apons et tirant en poullie et a lesditz mons apennins sur dextre Et le long de la mer adriaticque sur gauche. Et contient ladicte marque danconne la duche et seigneurie de urbin. Le citez et seigneuries de pesero: de famo et de sennegaille: la cite danconne la ou ya merueilleusement beau port. La ville et le port de racanat apres sainte marie de laur et fermo et ascouly. Et ont ces deux derrenieres bien trois cens chasteaulx soubz culz. Aussi sont en ceste partie les citez de tollentin et de cammerin et plusieurs autres viles: places et chasteaulx. Et contient environ en tout cent milles de long: et de large contient le plus communement de .xxv. a .xxx. mille. |

¶ La cinquiesme partie

LA cinquiesme partie est la duche et riviere de gennes quon souloit appeller liguria et commence a la riviere du var au bout de la cite de nicea une lieue pres de provence: Mais selon la description de blondus et de plusieurs autres historiographes ladicte riviere de gennes quon souloit apeller liguria commence a la-

dicte riviere du var et dure iusques a la riviere du maira sur laquelle est la ville seresanne et anciennement y estoient le port et la cite lune dont encores le val retient son nom qui sappelle lune sanne. Et contient ceste cinquiesme partie ladicte cite de nice et le port de ville franche qui sont a monseigneur de savoye.

Après est le port et le chasteau de mohiugo et la cite de ventimille: tage: albigue: laval dunneille: le marquisat du finar: noli la cite de savonne: sextri: voultri et la cite de gennes. Et par dela au long de la mer y sont la ville de rappallo: porto vento lespece et portoin. Et devers la montaigne sur gauche les mons apennins. Et contiennent cent soixante mille de long: et bien peu de large: et le plus commun est de quinze et de vint mille. Et ya quattres principales maisons. Cestassavoir flisco. auria: spinolla et grimault et deux autres maisons quilz appellent capellas qui ont communement toute la suyte du peuple ce sont les fregolises qui sont guelfhes et les adorns qui sont adornes et sont gibellins: et tousiours sont en division. Et se tient ladicte duche en foy et hommaige du roy de france.

¶ La sixiesme partie.

TOUSCANNE commence a ladicte riviere de la maira et dure iusques au tibre et a romme: et au commencement dicelle sixiesme partie sont les marquis de malle espine: de tarrara et de masse. Après sont les lucois: les pisains le seigneur de plombin: les florentins: les sennois et les terres de leglise et du patri-

moine du saint pere: lesquelles lempereur constantin premierement donna en partye au pape silvestre. Et depuis la comtesse magtilde en donna la plus part a la sainte eglise rommaine. Aussi semblablement partie des places des Orsins y sont. Et contient ceste dicte partie deux cens ving et quatre mille de long: et au plus large environ cent mille. Et ses aucunes desdictes seigneuries reconnoissent le pape et les autres ne vuelent nully reconnoistre. Et a ladicte touscanna la mer tout du long sur main dextre: et sur gauche les mons apennins et la riviere du tybre.

¶ La septiesme partie.



La duche despoulete et la province quon souloit communement appeller umbria est la septiesme partie: et commence sur main gauche au dela de romme une iournee en ung lieu qui sappelle astricol y par dela le tybre tout du long. Et sont en ceste partie premierement les citez et communaultez de narny: de therny et de thody. La duche et cite despoulete laquelle charlemagne donna a la sainte eglise romaine: fouligny et la cite de artisy la ou reposent les glorieux corps de saint francoys et de sancte clare lesquels furent natifz de ladicte cite dartisy. Aussi le perusins sont en ceste partie. La communaulte et cite d'ariete et plusieurs autres villes et communaultez et toutes celles qui sont par deca et par dela le tybre quon appelle terre de leglise sont tou-

tes bendees: tenans les ungs le party des ursins qui sont guelphes: et les autres le party des coulounois qui sont gibellins. Et sur ceste folle querelle sont continuellement en guerres et en discentions: dont lesdictes villes en sont demy ruynees et presque destruietes: et a ceste partie environ .LXX. mille de long et environ autant de large. Et y est le pape assez malobey.

• **C** La huytiesme partie.



AMPAIGNE de romanie qui se souloit appeller latina commence a romme et par dela le tybre et dure iusques a la cite de fomery par dela le derrassirer qui est sur la mer et de lautre costes iusques a la riviere de garillan ponte corvo et de la duché de soire qui sont des entrees du royaulme de cecille et contient ceste partie plusieurs villes et citez de leglise: partie des places des ursins coulounois sabelles: des | contes des gueytans qui sont tous gentilz hommes rommains Aussi hostie est en ceste partie et pareillement albanie: laquelle du temps des rommains fut merueilleusement grande: et a ceste partie environ soixante et cinq mille de long et presque autant de large et confine a la mer sur dextre: et sur gauche a les mons devers aprusse. Et au temps passe tout terre de labour estoit de ceste partie et campagne: et appartient en partie au pape et le surplus le recongnoist.

¶ La neufviesme partie.



LE royaume de cecille est la neufviesme et derniere partie de ladicte division dytallie qui commence a ladicte cite de fondy devers la mer mediterrannee et devers la mer adriaticque a la dessus dicte riviere du trontau pays d'aprus. Et entre eux confine aux terres du pape et aux montaignes de norse et au demourant est environnee des dictes deux mers: et contient quatre provinces principales: cestassavoir terre de labour calabre: poullie et aprus. Et confine ledit royaume devers calabre au far de messine en lisle de cecille qu'on souloit appeller trinacria et devers poullie et capdotreu confine a ladicte mer adriatique regardant devers grece et a la valonne et turquie. Et contient ledit royaume trois cens .xxv. mille de long. Et au plus large cent vingt mille: et par tous les autres lieux est beaucoup plus estroit. Et recognoiston le pape et la sainte eglise romaine.

¶ Sommaire de l'argent que les seigneurs et communaultes dytallie tyrent communements toutes les annee dudit pays.

¶ Premièrement le pape des terres de l'eglise deux cent quarante mille ducatz.

¶ Item des obventions de la chambre apostolique cent vingt mille ducatz.

¶ Du royaume de cecille .sept cens mille ducatz.

☞ Les venissiens dedans ytallie . huit cens mille ducatz.

☞ Et dehors dytallie de partie de la dalmace du royaulme de | chippres : de lisle de creton quon dit candie de la mouree de toneso et de mondon . quatre cens mille ducatz.

☞ De la duche de millan . six cens mille ducatz.

☞ Sennoys . quatre vingz mille ducatz.

☞ Boulonnoys . soixante mille ducatz.

☞ Gennevoys . cent mille ducatz.

☞ Le duc de ferrare . vingt mille ducatz.

☞ Marquis de manthue . seixante mille ducatz.

☞ Marquis de montferrat . quarante mille ducatz.

☞ Marquis de saluces . dix mille ducatz.

☞ Le conte d'Ast . cinq mille ducatz.

☞ Item la principaulte et pays de pyemont vault chascun an . soixante et dix mille ducatz.



ES barons dudit royaulme de cecille : les ursins coulonois et autres et gentilz hommes rommains : le duc de urbin : le seigneur de camerin : le seigneur de senne-gaille : le seigneur de pestro : le seigneur darremyny : le conte de frouly et daymosa : le seigneur de fayance : le seigneur de plonbin : les seigneurs de carpi : de correge et de mirandoula et plusieurs aultres grans barons dudit pays dytalie qui peuent avoir tous ensemble la somme de cinq cens mille ducatz .

☞ Somme de toutes les parties desdictes . Quatre millions deux cens Trente cinq mille ducatz.



ENNES aultrement dicte ianne est une cyte dytallie noble puissante et moult renommee pour le present: laquelle comme dient aucuns fut ediffiee de genno filz de Saturne ainsi appelle: sur le rivaige de la mer ligustine. Paulus perusinus dit que quant pheton vint de gypte il arriva en la mer ligustine ou il fist descendre lung de ses compaignons a terre appelle gennyvum lequel estant mal dispose pour lair de la mer commença fort a vomir: et le constitua garde avec aucune partie de ses navires sur le rivage | de la mer. Auquel lieu se accointa et ioingnit avec les habitans du pays qui estoient hommes silvestres quasi comme geans: et en celluy lieu ediffia une cite laquelle il appella par son nom gennes. Les autres dient quelle fut fondee de Ianus roy dytallie et que apres la destruction de troye elle fut augmentee de ianus prince des troyens: auquel lieu fut premier adore lydole de ianus bifrons. Certes ceste cite est le principal et plus renommee port de toute la mer ligustine: laquelle combien que par avant ait este tousiours bonne ville. Neantmoins depuis quatre cens ans elle a tresgrandement floury en accroissement. Et tousiours a acquis grans forces tant en port que en maisons haultes et superbes. Et en toutes manieres de aornemens elle a tousiours surmonte toutes les aultres citez dytallie sur la mer excepte venise. Pareillement quant a la conduite de la mer elle a precede et excelle plusieurs ans lempire de la mer: et a voulu oster et resister alencontre des larrons et pirates de la mer. Ceste cite a tousiours este tres amya-

ble et favorable aux empereurs rommains et grecz. Parquoy advint une foys quelle fut destruite par hanibal peno Et tantost apres cornelius servilius consul rommain: comme titus livius racompte commenda estre restauree et reedifie de par lucian empereur laquelle chose il fist. Ceste cite apres ladvenement de iesucrist a plusieurs foys souffert et porte aucunes diruptions et bruleures des barbarins. mais certes apres ses apostres elle ne mist gueres quelle ne receust facilement la sancte evangille de iesucrist. Et depuis en apres ladicte cite a este mise entre les mains de plusieurs estrangiers ou elle a souffert lune foys du bien lautre foys du mal et aucunes fois a eu grandes discordes et contencions envers ses circonvoisins et a souffert tres mauvaises fortunes. Car les roy de lombardie et charles le grant et ses enfans elle a porte et souffert de grandes tyrannies de cytoyens de la ville. Parquoy luy a este necessaire avoir eu et souffert plusieurs foys seigneurs et gouverneurs estranges. Pour laquelle chose ainsi depourveue de conseil et de ayde a este destitue de sa seigneurie qui estoit espendue en plusieurs lieux. Car elle a perdu la cite de pera opposite a constantinoble. Lisle de mite-lena: Famagusta principale cite de toute lisle de cypre: lisle de chiun et plusieurs autres citez de grece qui leur ont este ostees de par les turcs. Lesquelles ilz avoient fait tributaire a leur iurisdicion. Pareillement es autres annees precedentes elle a perdu la cite de capha et toutes les terres des environs qui nest pas loing de beforo cymerico. Neantmoins selon aucuns a este nommee de genu. car elle est cituee en forme dung: genoil de laquelle commence le mont apennins et est distante des

sabbaces par deux cens soixante states. On dit que en icelle en aucuns lieux on trouve sourdre et boillir du sang. De ceste noble cite sont issus plusieurs notables hommes et bien renommez. Entre lesquelz a este sirus evesque dicelle homme tressainct. Innocent .iiii. pape de romme. Adriam .v. Nicolas .v. Innocent .viii. Et alexandre qui est pour le present pape de romme natif des environs de la cite Pareillement en est yssu plusieurs vaillans capitaines de guerre tant sur le mer que sur la terre. Lesquelz ont subiugue plusieurs roys et puissans princes comme il sera dit cy apres. Aussi yont este plusieurs grant clerks tant en droit civil comme en philosophie et es ars liberaulx. Sur toutes choses ceste cite de gennes est aornee des cendres de monseigneur saint iehan baptiste precursor de nostre seigneur et de ung vaisseau de esmeraulde inapreciable: le quel on dit estre celuy ou nostre seigneur iesucrist mengea laigneau pascal le iour que il fist sa sene avec ses apostres.



EN lan mil cent et six les genevoys gloriulx et puissans en guerre sicome dit iaques le theologien se partirent de leur port avec soixante navires a trois oreres davirons et vindrent descendre en sirie ou ilz assaillirent premier la cite de tripoli puis gilbetum et apres ce iaree: lesquelles les machomistes occupoient gaignerent et surmonterent les dictes villes par leur force et vertu et occirent plusieurs grans nombres de barbarins. Lequelle chose apres quilz eurent pille ravy et despoille

lesditz barbarins de leurs bien delaisserent lesdictes citez a bauldouyn roy de iherusalem Apres lesquelles choses par eulz vaillamment accomplies sen retournerent avecques tresprecieulx dons que ledit roy leur donna qui sont les cendres de monseigneur saint iehan baptiste et du precieulx vaisseau desmeraulde dessus dictz lesquels reposoient en la cite de mirea Et avecques grant ioye et triumphe enrichiz desdictes despoilles arriverent en leur cite de gennes (*).

(*) B. i.



EN lan mil cent vingt et huyt les genevoys conrroucez es annees precedents a lencontre des pysanois : lesquelz queroient avoir la triumphe de la mer pour la puissance de leurs navires entreprendrent une cruelle guerre inappaisable a lencontre deulx. Par quoy iceulx genevoys appareillent quatre vingtz et troys navires a troys rengees davirons et trente cinq aultres fustes : et de grant couraige se partirent et nagerent iusques a pise : Laquelle ilz assiegerent par le fleuve de arne tant par mer que par terre Duquel siege en les assailant les pisains souffrirent moult de maulx et eurent de grandes pertes et dommaiges. Tellement quilz ne peurent souffrir ne endurer lassault des genevois. Par quoy eulx considerans que il leur convenoit mouir et perdre tous leurs biens se ilz ne trouvoient moyen de faire paix. Pour laquelle chose eulz fatiguez et lassez de combattre envoyerent ambassadeurs aux genevoys avecques

lettres en leur depriant et suppliant quilz eussent mercy d'eulx. Et quelconque chose quilz leur commanderoient ilz optempereroient a leur voulente. Les genevoys pour fouller et abatre lorgueil des pisains leur commanderent abatre et descouvrir leurs maisons toutes iusques au premier planchier. Apres lesquelles choses acomplies prindrent leur chatteau plombin et le destruisirent du tout et prindrent et ravirent tout ce quilz trouverent et ammenerent hommes et femmes prisonniers avecques eulx. Es annees precedentes les genevoys tant seulement avec sept de leurs grans navires prindrent par force vingt et deux navires des pisanois avec soixante autres petite: et innumerables prisonniers quilz emmenerent a gennes en grande maniere de triumphe de quoy le monde et les pays des environs circonvoisins furent grandement esmerveillez.



EN lan milcent . xxxiii . Sirus evesque de gennes homme de sainte vie et clerc en plusieurs sciences sicomme iaques le theologien escript Il fut cree de evesque archevesque par innocent lors pape. A la iurisdicion de laquelle archevesche il soubzmist trois autres eveschez Cestassavoir lisle de corsice avec levesche de bobiense: brumacense et nolense et vesquit cestuy evesque apres quil fut archevesque . xx . ans. En ce temps les genevoys trespuissans sur mer remenerent seurement ledit pape innocent a romme: lequel avoit este expulse

par pierre adulterin a layde de lothaire roy de france. Lequel le colloca en paix en son siege. Pour lequel benefice le dit pape conferma paix entre les genevois et ceulx de pise Ladit eveche de gennes estoit paradvant subiecte a larchevesche de millan.

En lan mil cent . xxxvi . les genevois puissans en iurisdicion et reputez tresnobles obtindrent de cunrard cesar empereur de faire monnoye dor et dargent avec leur merque laquelle leur est demouree iusques a present et ont voulu tousiours entretenir: et ou par avant ne usoient que de la monnye de papie qui lors estoit appelle brunetz.



LAN mil deux cens . XLIX . les Genevois grans et magnanimes en la foy par lexhortement du pape eugene garnirent et armerent cent soixante et trois navires contre les turcz et sarrazins lesquels par leurs cources molestoyent les chrestiens. Pour laquelle chose accompaignerent le prince de barchinoleuse et nagerent par mer iusques en armenie auquel pays ilz assaillirent vertueusement les turcs et sarrazins et leur presenterent plusieurs batailles ou il y eut grande occision dung coste et dautre. Apres lesquelles batailles finalement les genevoys vainquirent et surmonterent les turcs et barbares au nombre de plus de vingt mille. Et apres pillerent et ravirent leurs despoilles de quoy ilz furent riches et en ramenerent avecques eulx de prisonniers environ dix mille a gennes a tresgrande triumphes et ioye: de laquelle chose

ilz aornerent leurs eglises de plusieurs ioyaulx dor et dargent.



AN mil deux cens .LViii. survint grande discorde entre les venissiens et genevois pour ung monastere daste laquelle fut si mauvaise et si mortelle et si pernicieuse ausdictes citez et a toute la region crestienne quon ne se pourroit estimer: car ilz cheurent tous en ung mauvais lac dyabolicque. Car apres que les genevois et les venissiens et pisanois eurent possede par .LXiiii. ans ptholomayde et thyr citez tres (*) riches esquelle ilz contraictoient de toutes marchandises tant dorient que doccident. Les trois peuples par ung commun decret diviserent et partirent entre eulx toutes les aires et rues et pretoires de toute la cite de ptholomayde et toutes les autres choses excepte les temples: affin se contencion ou noise survenoit chascun se retyrast en son party. Si advint que en ceste annee mesmes se leva une contention entre eulx et pour ung bien peu de chose. Et tout pour ledit monastere de saint sabbe abbe lequel chascune des parties vouloit avoir et attribuer a soy. Mais les genevois a layde du prevost de la cite duquel ilz avoient eu la begnivolence prindrent ledit monastere et en expulserent les venissiens dehors et retindrent et fortiffierent la tour. Pour laquelle chose les venissiens et les genevoys furent fais ennemys que par avant avoyent este grandement amys. Or estoit peur lors prevost de la cite philippe gallus lequel ne mist

(*) B. ii.

point aucune diligence pour appaiser ces deux peuples: aincois commanda par trois fois au populaire de venise partir de la cite de ptholomaide. Parquoy les venissiens sen allerent a thyr et tyrerent a eulx les pisanois et rompirent les alliances quilz avoient aux genovoys et puis firent aliance aveques le roy maulfroy de cecille: lequel leur vint en ayde contre les genevois. Et a tout son excercice avecques les venissiens et pisanois vindrent en armes au port de ptholomayde et bruslerent la plus grant partie des navires des genevois et mirent le feu en la dicte abbaye et la bruslerent. Laquelle chose irrita moult les genevoys qui furent pour lors moult espouentez. Por laquelle chose assemblerent leurs navires en grant quantite et vindrent au devant des venissiens a thir. Mais la fortune cheut sur eulx et furent vaincuz des venissiens et pisanois lesquelz leur submergerent en mer . xxv . de leurs navires. Et lesditz venissiens retournans a ptholomaide et a thir par ou ilz passerent bruslerent et destruyrent tous les edifices des genevois mirent tous les habitans hors et prindrent leurs biens et despoilles et emporterent avec eulx. Pour laquelle perte le pape alixandre fut moult dolent et moleste. Mais en la fin les genevois moustrerent les oeuvres de leurs faitz. Car tantost apres firent aliance apelleologus grec et leur vint en ayde et osterent aux venissiens constantinble: crethe et plusieurs autres citez de grece en leur faisant des maulx infiniz. Puis descendirent au port de venise ou ilz prindrent leur duc rene et plusieurs autres dont plusieurs grans maulx sen ensuyvirent.



EN lan mil . cc . iiiixx . et vi . au moys de Iuillet les pisanois a tout leur excercite descendirent iusques es fins et methes des genevoys en destruisant une grant partie dorient et ne espargnerent lieu saint ne sacre. Puis vindrent descendre iusques a leur port de gennes ou ilz furent par une espace de temps pour cuyder esmouvoir les genevoys a bataille et leur envoyerent aucuns ioyaulx dargent Mais les genevois qui avoient ia retire leurs navires en leur port leur denyerent la bataille et leur dirent quilz retournassent en paix a pise et que au moys daoust prochain venant les yroient veoir. Les genevoys au moys ensuyvant ne faillirent pas ains avec . c . xxxiii . grans navires bien equippees descendirent en lisle de melore pres de pise la ou ilz se combattirent longuement et y eut grant occision dung coste et dautre. Tellement que des pisanois fut occis plus de . xvi . mille. Et apres que les genevois eurent subiugue et noye plusieurs de leurs navires sen allerent a pise ou ilz mirent dehors et dedans tout a lespee: laquelle chose diminua fort les forces des pisanois et ne peurent depuy recouvrer leur gloire de leur premier nom. Et ce leur fut fait par le iuste iugement de dieu: car au lieu ou ilz avoient occis les prelatz transalpinois par le com-

mandement de federic empereur: en ce mesme lieu ilz furent tous desconfitz.



AN mil . ccc . xxvii . dominique fregouze sicomme nous croyons fut du consentement de tous ceulx de gennes constitue le premier duc homme de moult grant conseil et de vertueux couraige. Cestuy mist a sa subiection lisle de cypre et la fist tributaire a luy. parquoy une foys advint que en cypre se trouva grant multitude de genevoys et de venissiens des plus riches et puissans marchans de toutes les deux villes: pour laquelle chose le roy de cypre les convia tous a ung dîner en son palais: mais quant se vint au seoir ilz eurent entre culx moult grant discord pour lhonneur: car les genevoys pour ce que lisle de cypre leur estoit tributaire (*) | voulurent avoir lhonneur et se assirent au dessus du roy: laquelle chose vint en tresgrant desdaing a ceulx de venise: lesquelz conspirerent grande trahison envers les genevoys: car ilz vindrent dire au roy quilz estoient armez pour le tuer et occire en son palays. Parquoy le roy commanda que tant que on en trouveroit fussent occis: laquelle chose ainsi fut faicte. Le duc dominique fregouze saichant ces nouvelles ains quil feust quarante iours apres a tout sa puissance descendit en cypre et print le roy et la royne prisonniers et les mist en la tour du phar ou ilz furent long temps. Mais en

(*) B . iii.

la fin le duc qui fut debonnaire fist paix avecques le roy et la royne. Lequel roy leur donna purement la cite de famaguste. En apres ledit duc se transporta a tous ses navires iusques a venise cuydant venger liniure quilz avoient faicte aux genevois: mais ilz furent vaincus par le prevost de venise nomme nicolas pisain. Parquoy le duc et ses gens tristes et marris sen retournerent a gennes: et le duc arrive dedans incontinent le genevois le desmirent pource quil avoit este vaincu et prindrent son frere et le misdrent prisonnier.



EN lan mil trois cens soixante et sept. Lucian daurie genevoys homme noble de couraige et de vertu fut fait prevost de gennes. Quant il sceut que les venissiens eurent prins cinq grans navires au rivaige de romme: appareilla hastivement .xxii. navires et vint a iadere cite des venissiens ou il fist infinis maulx et dommaiges: et de la vint au port de polente ou il trouva .xx. grans navire de venise: et en bataillant contre le prevost pisain le surmonta et luy osta et ravit .xviii. grans navires. Et ainsi comme la victoire estoit consumee voulut veoir les navires des venissiens: leva sa visiere pour regarder dedans: mais aucun des ennemis lui bailla dune lance parmy le visaige et fut tue. Parquoy les genevoy surmontez et vaincus furent menez plus de cinq mille prisonniers avec les navires en iadere sans ceulx qui fu-

rent noyez et le demourant se sauva le mieulx quil peut et sen retournerent a genes dolens et tristes de leur perte. |



PAGANUS genevoys yssu de la premiere famille et maison daurie homme expert et noble en faitz de bataille prise de tout antiquite compare a themistode grec. En ceste annee fut esleu empereur des navires de genes: pour laquelle chose lempereur de grece et le roy d'arragon et les venissiens saichans la renommee des nobles faitz darmes de cestuy paganus conspirerent ensemble quilz auroient fort a besongner veu quil estoit empereur des navires de genes appareillerent tresgrande multitude de navires pour venir contre les genevoys: laquelle chose sachant ledit paganus ces nouvelles eut couraige de lyon hardy et non craignant donna experience de sa vertu: car tant seulement avecques soixante grans navires il attendit la grant multitude des navires de ses ennemis entre constantinoble et calcedone sans avoir peur ne crainte deulx.

Et combien que le vent luy fust contraire si soubstint il toute leur impetuosite. Et nonobstant tout ce quilz estoient beaucoup plus fors que luy et que il eust le vent contraire en la mer comme dit est neantmoins depuis la nuit iusques au lendemain les vainquit et eut victoire deulx: non pas sans grant occision. Par laquelle chose les grez et venissiens et les arragonnois en fu-

yant eurent grans pertes et dommaiges: et y fut occis le prevost des arragonnois.



PRES ce lannee ensuyvante les venessiens et les castellans: non adverty ledit paganus empereur de la mer des genevoys; assailirent les genevoys a lisle torsice et prendrent quarante grands navires plains de genevois: lesquelz ilz submergerent en la mer. Ce oyant paganus leur empereur la mort de tant de gens fut tresdolent et marry et non pouvant porter ceste iniure assembla tresgrant multitude de navires bien garniz de bons gents darmes et descendit en grece pres de peloponente et vint contre les venissiens: lequels il vainquit et print nicolas pisain prevost des navires de venise avecques six mille hommes: lesquelz il emmena a gennes en gran triumphe ques plusieurs grans navires et innumerables richesses. Lesquel victorieux pour sa hardiesse et vaillantise doit estre dit non pas seulement seigneur de son pays: mais de toute grece en |vautres grands vaillantises dont ie me tais pour cause de briefvete par lesquelles il aura gloire et renommee a tousiours et a iamais.

Hugutio fragulanus tyran de pise et de lucques apres quil eut vaincu lexercice des florentins pres du mont castin luy voulant venir de pise au lucques en ung mesme iour fut deboute de toutes les deux citez et sans grant paine fut prive de la seigneurie de lung et de lautre.



ES pisains en lan precedent apres la mort de henry lempereur craignant la puissance des florentins et leur duc ledit hugutio pour combatre ses ennemys a layde des chevaliers de henry obtint la cite de lucques: mais lan revolu les citoyens de la ville ne peurent plus porter ne souffrir sa tyrannie: si prindrent occasion de mettre hors de la cite de lucques son filz nerius: parquoy il se plaingnit a son pere de ce que on lavoit chasse. Adonc pour ceste cause se partit de pise ledit hugutio a tout son exercite Mais incontinent apres quil fut hors de pise ceulx de la ville luy fermerent les portes Ledit hugutio se voyant prive des deux citez cuida prendre alliance a aucuns marquis ses amys: et leur demanda ayde por recouvrer sa seigneurie: desquelz marquis ne obtint aucune aide Parquoy en la fin du conseil du pape de romme fut enhorté a retourner en son paternel heritaige en flammynne: ouquel lieu il receut plusieurs benefices du pape.



AN mil trois cens quatre vingtz et douze iaques da pience cleric des pisanois saichant les choses secrettes de le cite en cest an surprint pierre gabacurtain prince de la cite par cautelle avecques ses enfans et usurpa a luy la seigneurie et expulsa hors lesditz enfans de la cite et regna quatre ans. Apres la mort duquel

son filz girard succeda en la seigneurie par trois ans: mais luy voyant quil ne agreoit ne plaisoit point a ceulx de pise la vendit a galeathe duc de millan grant somme dor dargent quil fist apporter au chasteau plombin: lequel il detint pour lui et pour ses successeurs. |



LES genevois souvent ayrez contre le pisains en lan mil deux cens .iiiixx . xvii . appareillerent grande multitude de navires et descendirent devant pise: prindrent le port liburnin avec la haulte tour qui estoit forte et puissante dartillerie la mirent a lespee a feu et a sang avec plusieurs navires quilz noyerent et submergerent dedans le fleuve de arne: affin que du tout en tout ilz ne peussent plus nager par mer: laquelle chose ne scaurions exprimer combien grant elle fut dommageable aux pisains. Ceste haulte tour estoit ung petit loing du port: ou avoit au plus hault du rocher la tour pharee ou avoit une lanterne qui donait de nuyt en la mer lumiere de bien loeng aux mariniers affin quilz congneussent de loing le port de pise. Toutesfoys en apres la paix fut faicte entreulx: et rendirent les pisains tous les biens quilz avoien eu aultreffoys des genevoys: lesquelz pisains demourerent encore entre les mains des florentins. On dit que en ce lieu comme monseigneur saint augustin vouloit composer le livre de la trinite vit Iesucrist en forme denfant qui vouloit avec une cuillier mettre en une petite fosse le eaues de la mer.



AN mil trois cens et trente Gerardin trespuissant citoyen de gennes yssu de la tresnoble famille et mayson de espinolles. En cest an acheta des chevaliers de allemaigne de ses propres deniers la cite de luques: et la redigea en sa puissance. Laquelle es iours precedens Marchus viconte lavoit prinse a laide diceulx chevaliers et reduit en sa puissance. Mais en son absence ainsi quil est de coustume a ceulx qui sont a gaiges eulx ayans a faire dargent: la vendirent pour argent audit gerardin combien que de long temps apres il ne la peut posseder.



IERRE de gennes yssu de la famille et mayson de aurie Non pas moindre en vertu de couraige que lucian empereur dessusnomme. En celluy temps fort prise des genevois fut fait prevost et admiral des navires de gennes comme successeur de lucian purce quil estoit tenu comme ung autre Hanibal surmonta en prudence et magnanimite | tous les autres citoyens au temps que le peuple de venise precelloit tous les autres gens de mer en puissance. Apres la mort de lucian adiousta neuf grans navires et .xxx. barques oultre les navires estans paravant: parquoy incontinent voyant ses nefz bien equipees voutl partir du port de gennes et vint de-

scendre en iadere ou il print toute la force des navires de guerre dudict port. Et apres sen vint avec soixante navires a troys ordres davirons et autant de autres navires en tresgrant force arriva au port de venise Et quant il eut prins par force grado: comado: rinuo: et crapules lesquelz il destruisit et brusla soubdainement. Il sen vint au port de venise la ou il sceut que les venissiens avoient mis et tendu leur port de chaines de fer. Il se transporta en clugie laquelle il print per force. Jasoit quelle feust bien garnie gardee et deffendue: de laquelle il fut seigneur. Et apres quil eut habandonne la dicte ville a destruire a ses gens darmes ung nomme marcellus romain commanda que la pudicite des femmes feust gardee. Et apres quil eut prins cent .iiiiixx. prisonniers de ses ennemys il les envoya en captivite en iadere. Et apres luy venu en dedas en caputageris et en la rue saint lazare mist le feu et brusla tout Aussi apres plusieurs assaulx il print laurentum. Apres il print le chasteau orphelin distante de troys mil de la cite pour expugner venise. Laquelle certe il eust prinse si neust este quel fut reboute par ses grans navires a iii. ordres davirons ne peurent approcher du canal du port Mais une chose si est: que lui qui estoit un si grant homme scavant peust estre reprins de imprudence: car il delaisa la grant chose pour la petite: car se il eust laisse clugie et quil eust estoupe la mer et ses voyers: certainement il eust emporte la victoire des venissiens: et cependant quel entendoit a deffendre ses gens contre zenon prevost des venissiens il fut occis dung coup de bombarde: apres la mort duquel les genevoys espouantez mirent le feu en leurs propres navires et en delaisant clugie sen re-

tournerent a gennes Lesquelles choses scusciterent ung grant dommaige au peuple de gennes.

En cest an mil quatre cens et .xiii Buchichalus chevalier de charles roy de france homme de grandeur de geant. | Apres la mort de anthoine odorne duc de gennes pour la discorde des citoyens de gennes : print a gouverner la seigneurie ou nom du dit roy. Lequel apres quil eut congneu la puissance des citez de ladicte seigneurie de gennes il sefforca de tout son pouvoir mettre la cite de millan soubz la puissance du roy de france. Et apres quil eut prinse berdone il fut deboute par facinus le chien duc des millannoys. Et apres quil eut couvert berdone il se deffendit virilement contre ledit duc. Cestuy capitaine comme il est de coustume aux francoys estoit treffier et orgueilleux et pour le grandeur de son corps il desprisoit la petitesse des ytaliens: et par grant arrogance les contempnoit. Mais galeache gougage frere de francoys gougage qui menoit en la bataille aucunes compagnies: ouyt le deprisement que faisoit ledit buchichalus. Parquoy le commença a reprendre durement: disant quil devoit parler plus modereement: que sil faisoit autrement qui luy monstreroit sa temeraire follie et non point vertu. Le galeache estoit petit homme de corps tellement que a grant paine pouvoit il venir iusques au nombril de buchichal. Pur laquelle chose il estoit fort desprise de buchichal geant. Ledit galeache pour monstrier la vertu de sa magnanimite: invita ledit buchichal en bataille singuliere Quant buchichal leut ouy il estima que ce seroit laide chose a luy le reffuser. Si laccepta et luy donna iour. Ainsi comme ilz batailloint lung contre laultre Galeache vain-

quit buchichal comme david goliath. Et se ses chevaliers ne leussent oste ce eust este son dernier iour. Et de ce il eut si grant honte que depuis ne vestit haubergeon ne harnois pource quil avoit este vaincu dung si petit homme.



LES genevoys en cest an mil quatre cens trente cinq. Alphonse roy de terrasconne avoit assiege la ville de Gaiette et lassailit vaillamment. Laquelle fut verteusement deffendue des marchans genevoys: car ilz baillerent douze de leurs navires a trois ordres davirons et trente six a philippe duc de millan: lequel leur bailloit secours: lesquelz allerent a leur ayde Parquoy le roy alphonse vint a l'encontre deulx avec moult grant exercite de roys: ducz et princes innumerables doccident | Contre lesquelz les genevoys avec le duc blaise et helie spinols et iaques iustinien: ciprian de la mer et galliot lommellin: avec plusieurs autres navartes se assemblerent en bataill'e de grant couraige et atrocite: en laquelle bataill'erent par l'espace de dix heures ou il y eut grant effusion de sang: tellement que en la fin les genevoys gaignerent et prindrent ledit roy alphonse avec deux ou trois aultres roys. Cestassavoir le roy iehan de navarre et avec luy le roy de spaigne. Et encores fuerent prins plusieurs autres princes: cest assavoir Iehan antoine sumesse: iehan anthoine prince di tarente Iosias

patrice du duc adrie: Anthoine filz du conte des fiez: nicolas especial procureur: didacus conte en la basse espaigne: iehan qui en ladite espaigne estoit appelle le maistre de cithare: et autres plusieurs qui seroit trop long a racompter qui estoient iusques au nombre de plus de cent princes et bien deux cens chevaliers a esperons dorez qui furent prins avecques plusieurs autres nobles et puissans hommes desquelz la plus grant partie estoient de la grant espaigne: les autres de cecille: les autres de campagne: avecques la proye quilz en emporterent qui fut moult grande. Lesquelz blaise prevost general des navires de gennes mena la plus part liez a millan au duc philippe de millan: mais ledit Philippe glorieux de couraige et de incredible magnanimite affin quil eust nom eternal les receut tous non point comme prisonniers et ennemis des genevois: mais les traicta comme roys princes et amys: lesquelz ung petit apres renvoya franchement et quites en leurs pays et leur donna largement du sien. Mais le roy alphonce retourne en son pays tantost apres fut seigneur et maistre de gayette Pour lesquelles choses les genevois grandement indignez alencontre du duc philippe de millan pource quil avoit rendu alphonce leur ennemy si legerement lequel ilz avoient prins en si grant peril Francoys spinole et thomas fregouze conducteur des genevois se departirent dudit philippe et apres quilz eurent occis obicin alzateuse dictateur qui estoit a gennes pour le duc philippe de millan et quilz eurent expulsez de gennes tous ses aydans redigerent ladicte ville en liberte et franchise que avoit este long temps soubz la domination du duc philippe de millan environ par quatorze

ans. En apres que ladicte ville fut mise en liberte les genevois affin que chascun donnast faveur a la liberte esleurent six hommes presidens et deffenseurs de ladicte | liberte. Desquelz fut baillee toute la charge a thomas fregouze lequel il firent duc de gennes.



ESTUY thomas fregouze apres que en lan precedit Obicin alzate trescruel fut par les genevois occis et philippe duc de millan et tout son ayde fut expulse de gennes fut restitue duc ledit Thomas fregouze et demoura duc huyt ans homme amiable de singuliere prudence et de prompt conseil quil fist plusieurs choses dignes de memoire tant en sa premiere ducature comme en la seconde. Et premierement contre alphonce qui vouloit occuper la ville bonificienne de corsice. et apres contre philippe duc de millan. Ceste seigneurie par luy receue avec francoys spinole homme tressaige et hardy et avec les autres deffenseurs de la liberte apres quil eut confermee la chose publique il receust luniverselle iurisdiction des genevois en don par sa prudence. Contre lequel philippes duc de Millan envoya ung sien cappitaine nomme torel pour le infester et assaillir: Mais tantost apres a layde des florentins qui administroient les vivres a ladicte cite ledit thomas fregouze duc de gennes fut expulse de ses fins et methes. Apres quil eut fait plusieurs grans biens a la cite et quil eut deffendu

l'isle de chium appartenant aux genevois par limpetuosite des venissiens lesquelz lavoient assiegee long temps et apres quil eut deffendu la ville de albige dilaceree par nicolas picenin par une coniuracion faicte a lencontre de iehan anthoine flisque trespuissant entre tous les genevois ledit thomas fregouze leur duc fut mys hors de sa seigneurie et fut baille a raphael adorne comme a lennemy de paix. Lequel fut fi'z de pierre fregouze qui avoit subiugue cypre avec sept autres filz: lesquelz pierre frere du seigneur fregouze duc engendra a deux femmes huyt filz.



GENNES cite maritime en cest an procurans les plus nobles dicelle cite estre amys et feaulx au roy loys de france a ce consentant fut baillee es mains du duc de millan pour la douziesme fois Et la posseda dixsept ans. Puis apres le roy bailla ceste cite a francisque duc de millan: par telle condicion que quant il seroit necessite bailler secours et aide ausditz genevoys quil leur bailleroit. (*) |

(*) C. i.

Gennes noble cite maritime en cest an mil quatre cens .xxviii Apres quelle eut este .xv. ans soubz la domination des millannois se remist en liberte et hors de servitude: non pas sans grant contencion darmes a laide de robert leur conducteur: car les genevoys lannee precedente apres que le duc galeache fut occis par la

faction des fisques nobles se estoient mis en liberte. Mais tantost les fisques vaincus par la faction des spinoles et adornes fut de rechef mise soubz la seigneurie des millannois. Et de rechef elle en fust ostee par prospere dorie Aupres le duc de millan pour remettre la ville en sa subiecion assembla .xii. mille hommes et vint contre eux. Contre lesquelz les genevoys et leur duc Robert severinate vindrent a lencontre et en occirent .xiii. mille. Et apres quilz les eurent despoillez et mis les autres en fuyte retournerent a gennes: prindrent le chastellet et expulserent les millannois: mais pour ce que prospere dorie vouloit occuper la cite il fut expulse dicelle par francoys fregouze et fut mis en son lieu le duc bastin fregouze filz de pierre fregouze lequel en cest an dessusdit fut expulse de gennes et receut en don la duche de millan et domina six ans. Cestuy estoit ung homme de doulx parler: amyable et de noble courage repute iuste envers tous nonobstant ce il avoit plusieurs emulateurs et envieux secretz qui ne desiroient que de le mettre hors de sa seigneurie. Neantmoins il eut toujours la cure et soing de la chose publique et acheta plusieurs choses a lui ostees par obicin dorie fiscus lequel tascha et se pena moult de la mettre hors de la duche mais il ne peut. Toutesfoyes en la fin fut mis hors de sa seigneurie par paul patrice cardinal et archevesque de la cite.

PISE cite superbe de ethurie hayneuse aux florentins si fut assiegee et mise a la iurisdiction des florentins par l' espace de soixante et neuf ans es annees precedentes que galeache duc de millan lavoit achetee de girard apianus grant somme dor et dargent lequel tantost apres quil eut ioy de ladicte cite ne demoura gueres quil ne rendist lame Si delaisa par testament a son filz gabriel la cite de millan: lequel trois ans apres la mort son pere ne pouvoit bonnement posseder et ioyr en paix de sa seigneurie de pise la vendit | aux florentins: laquelle chose quant ceulx de pise le sceurent mirent tous les florentins hors de la cite et la reduyrent a leur liberte et franchise. Les florentins animez de ceste iniure assemblerent grant armee et descendirent a pise et assiegerent la ville et estouperent tous les passaiges de la mer tellement quil ne peurent avoir nulz vivres et mouroient de fain. dont ilz furent contrains deulx rendre a la mercy des florentins.

LES pisanois glorieux et puissans sur mer par enhortement du pape pascal sesmeurent des isles baleaires en gran nombre de navirs. et vindrent contre les sarrazins qui destruisoient les chrestiens sur les rivages de la mer: lequelz chrestiens pour lors obeyssoient au pape. Si occirent diceulx sarrazins tresgrand multi-

tude et les mirent en fuyte. Les pisains estant au port de volterana attandans le vent pour eulx en retourner a pise furent la longuement: et tandiz quilz y furent les luquois vindrent assaillir pise: laquelle destituee de ayde envoyerent devers les florentins pour avoir secours. A laquelle priere les florentins vindrent tost verteusement a lencontre des luquois et les subiuguerent et mirent en fuyte. Pour laquelle chose les pisanois retournans victorieux des sarrazins pour la deffense quilz avoient faicte de leur ville leur donnerent deux coulompnes de prophire lesquelles sont encores veuez devant la porte de saint iehan baptiste a fleurance lesquelles ilz avoient apportees de barbarie.



EN lan mil .cc. et trois heliprandus filz de facius marquis de angleria pour ses beaulx faitz du consentement du senat et du peuple receut la seigneurie de millan te regna trente et deux ans Cestuy estoit noble: de grant conseil et vertu et estoit tel repute que en toute la gaule cisalpine ny en toute ytallie nen estoit point trouve de pareil: lequel pource quil se delictoit en ioustes et champs de batailles et vainquoit souventeffois les plus fors Tellement que apres plusieurs choses par luy noblement faictes conrard auguste regardant ses faitz darmes le reputa vaillant dengin et de puissance de corps: lequel interroqua aucunneffois estienne de parionne des beaulx faitz de cedit heliprandus. Le-

(*) C. ii.

quel respondit quil estoit le plus vaillant chevalier: le plus saige et le plus habille et le plus prompt que iamais il avoit congneu (*). | Cestui helyprandus comme il est trouve en aucunes histoires domina si vertueusement a la cite de millan et es autres citez tant quil fut prefere devant tous les autres princes qui par avant furent tant pour sapience millitaire que pour la grandeur de sa seigneurie. Il fut exalte de tous les princes du monde. Parquoy conrard cesar empereur de luy envieux machina contre luy une guerre inappaisable: et tout pource quil avoit aliance millan de lempire: parquoy ledit conrard concita et actrayt a luy la begnivolence de tous les seigneurs circunvoisins de millan et les enhorta pour faire guerre avecques luy contre ledit helyprandus de millan pur laquelle chose faire ledit conrard amena devant millan tout son ost avecques le circunvoisins de la duche et assiegea ladicte cite ou il fut longuement Laquelle chose voiant quil ny pou oitriens faire fist venir des allemaignes ung sien affin nomme de bavieres homme de merveilleuse et grande force repute ung droit achilles ou ung hector esperant quil destruyroit toute la dudit helyprandus de bataille a oultrance. Laquelle chose il accepta: et fust baille et assigne iournee du consentement des deux parties. Le iour venu se trouverent les deux champions en champ pour faire leur bataille tresrichement aornez darmes et de chevaulx avecques plusieurs autres chevaliers tant dung coste que dautre. Si commencerent la bataille entre eulx tellement que du primer cours ledit de baviere cuydoit bien vaincre ledit heliprandus ce quil ne peut faire ains le trouva ferme comme ung pillier si le frappa si rudement con-

tre lescu quil brisa sa lance: mais heliprandus vint vers luy de si grant roydeur quil le perca de sa lance tout oultre et cheut a terre Et quant heliprandus le vit tomber si descendit et luy trencha la teste. Apres la mort duquel lempereur conrard le deuxiesme iour apres fist lever son siege et sen alla triste et dolent des fins et methes de millan. Le siege leve heliprandus se voulut venger de ses voisins qui lavoient assiege avecques conrard leur mena et fist tresgrant guerre: mais eulx sachans son couraige luy demanderent pardon lequel il leur ottroya benignement. Apres ce ledit heliprandus sen retourna en grant triumphe a millan. Donc advint peu de temps apres que ledit conrard empereur mourut et trepassa | parquoy succeda a lempire apres luy henry son filz: Laquelle chose sachant heliprandus se voulant venger dudit conrard assemblea son ost pour aller assaillir henry empereur de romme filz dudit conrard: mais quant il fut au chemin print une maladie audit heliprandus dont il mourut: de laquelle mort fut tant plaint et regrette de tous les seigneurs et barons du pays quilz le plorerent par l'espace de plus dung an apres.



MILLAN trespuissant cite metropolitaine de toute la gaule cisalpine et mere de toutes les autres citez dytallie sicomme l'edit fut ediffie du temps que regnoit le roy de perse. Lan .iiii . m . viii . c . xl . devant l'advenemet de iesucrist. Aucuns dient avoir este ediffie de iosue prince des hebrieulx. Les autres dient que ce

ont este les sannois de gaulle: mais certes ie ne croy ne lung ne lautre Car come geoffroy evesque de viterbe et gessius auxonius noble homme et mis au cathalogue des nobles dient quelle fut fondee du temps des troyens: Et dient que les simcambres qui estoit ung peuple de germanie qui descendit de la seur priam appelee simcambria lediffierent Lesquels simcambriens occuperent long temps le pays apres la destruction de troye par leur force et vindrent a tout grant nombre de gens et prendrent millan qui encores nestoit gueres de choses dont estoit roy Iules insubres: lequel fist paix et alliance avec eulx et furent tout ung mesme peuple: sicome racompte carnius en sa cronique. Ceste cite a este plusieurs foyz destruite et appelee par plusieurs noms Car ou temps de pthole iuge de israel elle fut tout arce Et du temps que laomedon fut occis elle fut prinse et destruite dung appelle pallas: et fut long temps inhabitee et deserte iusques a ung temps que benolest prince dune partie de gaule vint avecques plusieurs gens en ce lieu lequel la mist en sa seigneurie avec les insubrians: laquelle il restaura et accreut grandement et fist faire une rue qui sappelloit semprium Apres deux cens ans y domina et seigneurit brenus et estoit pour lors appelee subria: et apres futappelle mesopia: apres albea. Et ces noms icy delaissez est appelee millan pource quelle a este plusieurs ans quelle ait este en bonne prosperite. Selon livius fut ediffiee devant la nativite nostre seigneur .ccxxxv. Laquelle depuis est descendue entre les mains des romains (*) | et la conquererent a lespee et navrerent magon frere de hanibal qui en estoit seigneur: depuis halmicar prince despaigne la seduysit et se rebella

(*) C. iii.

contre les rommains: lesquelz y vindrent a tout grant exercice de gens darmes et la prindrent et occirent ledit almicar et plus de .xxxv. m espaignolz En apres fut prinse selon que racompte orose et livius de par claudius lequel en triumpna grandement et moult laugmenta et la gouverna si bien quelle fut paisible apres luy l'espace de plus de ccccc. ans tellement quelle a este surnommee la seconde romme Et y ont voulu habiter et demourer les empereurs rommains: et depuis quilz locuperent na voulu estre subiecte a nulz que par force Tellement a flory le temps passe et encores fait quelle est augmentee et ornee de grans seigneurs et princes tellement que en la subgection dicelle soubz la duche se pourroit trouver plus de cinquante mille chevaliers. Ceste ville est tres fertile de tous biens et est au plus beau lieu de toute ytallie Herculeus maximianus entre les autres princes quont eu seigneurie laorna et fist cloire de murailles et y adyuosta la seconde muraille: y fonda de beaulx et triumpans temples et la nomma de son temps herculee en lhonneur de hercules. Cestui ediffia le temple saint laurens. On lit que monseigneur saint barnabe apostre vint une foys dans la cite avecques deux de ses disciples lequel disoit en la louenge delle quelle estoit decoree comme romme en beaulte: mais apres quelle eut est longuement en felicite elle a bien eu depuis de tresgrandes angoisses et molestes. Car au temps de saint ambroise evesque de la cite les ariens y firent plusieurs maulx. Acthilla roys des magotz la fist quasi du tout destruyre si a este depuis restauree et refaite: mais les lombars au temps quilz la possedoient firent des tre grans et execrables maulx et apres quilz en ont

este privez a este l'espace de trois cens soixante ans soubz les roy dytallie ou elle a floury en tous biens sans souffrir nulles tribulacions iusques au temps que federic barbarossa la mist quasi egalle a la terre. Ce nonobstant elle a este rediffiee des citoyens a layde dalixandre pape et de l'empereur de grece et autres citez des environs qui ont ayde a la refaire tellement que depuis quelle a este refaite le peuple y a habonde de toutes parts en ung innumerable nombre Et alors la possedoit galvanus que print plaisir a laugmenter et y ediffia de beaulx temples et le appelloit len pere du pays. Ceste cite a flory et florist encores de plenitudes de richesses: de maisons royales garnie de plusieurs clerics et toutes sciens: de nobles et puissans chevaliers bien obeyssans a leur prince et seigneur. Avec ce est aornee de monasteres de plusieurs religions: de docteurs en sancte escripture: habondante en innumerable nombre de gens de mestier de toutes sciences mecaniques. Francisque sphor la regie et gouvernee . xiii . ans et de abdua fist admener plusieurs belles navires pour subvenir aux necessitez de la ville Pareillement le duc philippe de millan y fist venir du port de ticino plasieures autres navires et fist le fort de la ville ediffier ung hospitail magnifique et fist commancer leglise de nostre dame.



AN mil trois cens .iiii. xx. Fist paver la ditte cite et laornea de plusieurs autres ioyaulx tellement que a iamais en sera memoire de lu la royne theodolinde fist faire ung chasteau appelle modoecia et dedans ung beau palais ou anciennement les roys lombars tenoient leur siege; et une eglise fondee de saint iehan baptiste Avec ce ya deux grans lacz dont procedent deux rivieres ticins et lambruz lesquelz arrousent les champs Les millannois receurent levangille de saint barnabe apostre ou temps de saint ambroise En ceste cite furent couronnez de martire les glorieux saintz nazare: gervais et prothais et plusieurs autres martirs et vierges. En ceste cite fut nourry saint sebastien natif de nerbonne alexandre .ii. pape natif de millan: saint urbain .iii. pape celestin .iiii. Carus empereur .xiii. de rommains qui preceda dioclecian fut ne de ceste cite et autres plusieurs grans personaiges en la foy qui seroyent trop longs a descrire.



U temps de lucius cornellius fulvius flacus consulz rommains les rommains prindrent guerre contre les lieguriens sisalpains et vindrent a tout leur ost premier devant millan et la destruisirent et occirent vingt troys mille millannoys et .v. m. quilz prindrent captifz.

Lan cinq cents le roy actille avec les goths destruisit la cite de millan ou il mourut trente mille millanoys: et par devant fut si grant famine que les femmes mengerent leurs enfans. |



AN mil deux cens dix et sept la cite de millan fut assiegee da lempereur federic: lequel la print par force et come cruel la destruisit et rasa iusques a terre: et envoya hommes femmes et enfans en germanie: et por perpetuel memoire de ceste chose fist labourer et mener la charrue dadans la ville et semer du bled: apres quil eut despoille les citoiens de tous leurs biens de ceulx qui estoient demourez les contraignit habiter hors de la cite loing de dix mille. Levesque radulpe de coulongne estant present a ceste destruction ravit les corps saintz des troys roys que estorgius eve-sque de millan ia pieca avoit fait apporter de constantinoble. Lesquelz corps sains ledit radulphe fist transporter en sa cite de coulongne Gualvagnus duc de millan que federic empereur avoit prins prisonnier eschappa de sa prison et sen revint en ytallie et rassembla tant quil peut de ses circonvoisins pour luy ayder a restaurer la cite de dordonne que ledit empereur avoit fait destruyre et brusler et fist faire ung grant pont en la ville de albeathe.



En lan mil deux cens . xxx vi . Iehan citoyen de millan noble homme de lancienne lignee des turrenois comme le plus noble de la ville par plusieurs ans avoit nourry en la cite de millan haynes mortelles affin quil peust ioyr plus longuement de ladicte seigneurie: en accusant ses plus nobles dorribles crimes Les autres faisoit mourir Les autres expulsoit et banissoit de la ville mist hors les nobles chevaliers et vicontes de ladicte cite Et ainsi quil menoit et conduisoit lexercite de federic en lan de nostre seigneur mil deux cens cinquante et ung il mena ledit empereur a tout son ost en la cite de palme. Et apres quil eut assiegee par deux ans les citoiens lasses et fatiguez avecques marc de millan et ung legat apostolique que deffendoient ladicte cite yssirent avec tous les habitans de la ville en armes et vindrent sur lost de federic comme chiens enragez et desconfirent et mirent en fuyte ledit ost de federic et y fut occis ledit iehan citoyen de millan et plusieurs autres Lesquel federic fut suivy iusques a victoire nouvelle cite nouvellement ediffiee dipar luy En laquelle ilz entrerent apres ledit federic et tuerent et occirent plus de . xx . mille allemans. Apres ledit legat et marc ravirent et prindrent les richesses de la cite: entre lesquelles choses trouverent une couronne | dor moult precieuse et plusieurs aultres ioyaulx: lesquelz furent portez en la ville de palme.

C Ledit federic de la en avant senfuyt aux champs de cremonne et ne osa entrer de paour que les cytoyens ne la tuassent.

EN lan mesme martin turrennays frere dudit iehan fut occis apres luy fist ouvraige de tyrant au noble seigneur de millan et tous les destruisit et expulsa hors de la ville comme avoit fait son frere par l'espace de deux ans Pour laquelle chose les chevaliers et cappitaines du pays furent dolens et marris: et sen allerent faire alliance a eccelin de rumano: lequel de rumano occupoit plusieurs villes et citez dudit martin de la duche de millan. Parquoy ledit martin assembla iusques a quinze mille de ses chevaliers et alla au devant iusques au pont caucien: ouquel il assembla son ost et exercite: et par voye indirecte a laide et conseil de azonne estience et de boso donatence et de hubert palentin enferma son adversaire et le print et navra et le mena prisonnier ou bien tost apres mourut.

LAN mil trois cens cinquante et six Barnabonis et galiaches vicontes enfans de estienne galiache iehan archevesque de millan leur oncle trespasse Cestuy barnabonis et galiache succederent en la duche de millan. Lesquelz apres quilz eurent la seigneurie rompirent les aliances quilz avoient aux venissiens et autres citez. La

cite de gennes se departit de eulx par lenortement dung legat abbe de citeaulx : lequel fut cause de plussieurs guerres parquoy ledit bernagos et galiache apres lesdicts guerres diviserent la seigneurie en deux : et barnabonis comme le plus ancien eut la duche de millan et galeache se tint a papie : et en ceste maniere regnerent vingt et cinq ans. Et pource quil y avoit hayne mortelle entre eulx. Ledit galeache pour confermer paix avec barnabonis print a femme sa fille Catherine sa niepce. Laquelle en apres descouvrit toutes les trahisons que son pere avoit voulu faire a son mary galeache : de laquelle chose il fut moult esbahy et ayre et se pensa comment il auroit barbabonis. Laquelle chose il fist pour eviter les mauvaises volentez dicelluy et trouva maniere de lavoit par cautelle : dont apres quant il la tint il lenvoja en prison en la tour |triciane ou bien tost mourut de desplaisance. Si demourerent de luy deux enfans desquelz lung sen foyt apres la mort de son pere avec le conte armeniathique. Et ledit galeache print apres la pocession de la cite de millan et de tout le pays.



EN lan mil quatre cens et deux iehan maire viconte fils de galeache fut duc de millan apres la mort de son pere et regna dix ans. Cestuy duc fut homme cruel en sa seigneurie fist morir et occire plusieurs de ses subiectz : les autres faisoit tuer et donner a manger aux chiens : et fut le premier qui commença a traier

laidement les millannois. Cestuy souvent fut reprins de sa mere luy remonstrant quil ne faisoit pas comme ses predecesseurs et le reprenoit de plusieurs vices quil commettoit: mais luy ayre et mal content de sa mere la fist emprisonner et traicter rudement: tellement quil la fit mourir miserablement en prison. Pour laquelle chose il ne demoura pas impugny: car en oyant messe par le iuste iugement de dieu fut occis laidement par ses chamberlans et nest ia besoing de dire ne reveller la malice et les vices de quoy il estoit plain. Car apres la mort de son pere sedicions et guerres se meurent et commencerent a souldre entre les guelphes et gybellins qui par avant avoient dure paisibles en ytallie par lespace de deux cens ans. Le premier galeache mort fut celluy qui tout avoit apaise mais hugolinus calvacahos et ponzoinus usurperent la seigneurie de cremonne de la duche de millan.



DEMARUS francoys conte et parent de charles le grant et de son filz pepin roy dytallie en ce temps la apres la mort de auguste fut constitue duc de genne homme vertueulx de couraige tresmagnanime en bataille tant par mer que par terre. Comme apres que la cite de gennes eut este ostee par le roy lothaire roy des lombars apres quilz leurent long temps gouvernee icelle fut remise et reduite en la main des francoys au roy charles le grant soubz lequel elle fut gouvernee en sou-

veraine iustice et en tresgrant douceur par l'espace de cent ans et toute la province de ligurie avec lisle de corsice tint icelluy charles en sa subiection. Ausquelles citez et isles fut fait duc ledit ademarus et mises a sa liberte por en iouyr tout sa vie luy et les siens. Et luy qui estoit de grant | et magnanime couraige au temps que les mores occupoient lisle de corsice assemblea son excercite et vint soudainement contre iceulx mores: print .xiiii de leurs navires et les submergea en la mer. Et apres quil eut mis a mort plusieurs mores et sarrazins dicelle ysle la mist a sa subiection. Et depuis fut tue et occiz diceulx. Neantmoins sesditz successeurs genevois lont touiours deffendue et mise a la seigneurie de gennes.



PHILIPPE patrice ne de la premiere famille de aurie de la noble ligne de gennes homme de souveraine prudence: de eloquent parler et saige en bataille de mer: duquel certainement envers le genevoys na point este trouve son pareil en celluy an fut fait duc de la bataille des genevoys sur le mer. Lequel comme il ouyt dire que les venissiens avoient destruit et brise grant multitude de navires des genevois en grece et prins dix des plus grandes quilz eussent. Cestuy philippe homme de grant courage et comme noble resplendissant empereur de la mer soubdain se partit de gennes avec grant nombre de navires traversant la mer vint assaillir

les venissiens en grece en grant tumulte et noise et destruisit et fist grant occisions des venissiens. Cela fait il sen alla en lisle de chiun et mist a feu et a torment plusieurs gens dicelle. Et en la parfin avec la proye quil print et les biens et richesses diceulz avec plusieurs captifz sen vint a tresgrant triumphe a gennes comme preux et vaillant homme quil estoit.



EN lan mil trois cens . iiiixx . et deux iehan galeache premier filz de marie galeache duc de millan trois ans apres la mort de son pere la duche fut divisee entre luy et barnabovis son oncle: laquelle comme on eust veu destourner a barnabovis toute insubrie en celly an ledit barnabovis par envie plusieurs foys essaya par guettes et espies occire son nepveu iehan galeace. Mais ledit galeace soy dobtant de son oncle faignant venir le visiter une foy de papie a millan et ledit barnabovis avec son gendre saichant sa venue eulx venans au devant de luy fut surpris insidieusement dudit galeace lequel lenvoya en la tour de trice la ou il commanda de le garder en chartre iusques a la mort: lequel prins et tous ses enfans chassez hors de millan il obtint la seigneurie par l'espace de dix ans: duquel par avant la puissance estoit tres grende. Et apres quil eut prins les richesses de barnabovis il commença a estre craint de tous les millannois. Et pource que comme anthoine scalliger et francoys carience ancien et vieil eussent entre

eulx grant guerre par ladmonnestement dudit carienne qui aucunement avoit este le plus foible a layde dicelluy galeace scaliger fut vaincu et se rendit. Parquoy ledit galeace adiousta a sa seigneurie veronne et vincence. Et tantost apres que ledit galeace eut longuement assiege ledit francoys en sa cite de patavie le print et lenvoya prisonner au chastel de madoecia ou il le contraignit finer sa vie. Et de la apres ainsi quil menoit son exercice en ethurie il determina de prendre boulongne par la persuasion des gouzadins et peuples nobles des boulonnoys en mettant en sa subiection tous les chasteaulx des environs: mais en la fin vint en la cite de florence en la rue gazelisium ou il eut guerre contre les florentins et leurs aliez lesquelz furent sormontez et print leurs principaulx capitaines de leur exercice prisonniers entre lesquelz estoit francoys de carrariense troiesme de ce nom iascobin son frere actius ulbadinus: iehan todescus et plusieurs aultres. Et pource boulongne craintible se fist subiecte a la seigneurie de millan. Et la cite prise iehan banthevolius qui dominoit la cite fut mys par pieces. Et tantost apres les sennoys les pereusins: les assiensiens et pisains et aultres citez de etheurie se mirent subiectz a la iurisdicion dudit galeache: la cite de luques delaya et differa soy rendre et les florentins espouventez: lesquelz avoient eu guerre contre luy furent contrainctz payer audit galeache la somme de deux cens six mille ducatz.



APRES lan de nostre seigneur mil quatre cens et deux. Ledit galeache continuant la guerre contre les florentins assiega la ville: et tandis quilz navoient nulle esperance de salut et non deulx rendre ledit galeache mourut en menelanum une petite ville de millan de mort non esperee: en delaissant quatre filz deux legitimes et deux naturelz. Ausquelz il delaissa a chacun part et portion de ses seigneuries dont il avoit beaucoup. Car il possedoit dedans ytallie vingt et neuf citez. Cestuy galeache fut prince de noble stature: de elegant regard: saige en clerge de beau parler: ayant entendement vif et subtil. Il eut deux femmes espousees lune appelee helizabeth fille du roy de boesme de laquelle il engendra Valentine laquelle fut mariee a charles roy de france. Lautre femme fut katherine sa niece fille de barnabovis dessusnomme de laquelle il engendra iehan angle marie et philippe marie ducz Cestuy galeache homme de grant couraige et puissant apres que il eut regne lespace de trente ans conte de virtus en lan mil trois cens nonante et neuf ou moys de septembre envoya larchevesque de millan devers lempereur: lequel le constitua duc moyennant la somme de cent mille florins qui luy envoya et par la main dudit archevesque receut le bonnet de la duche en tresgrant et solennel triumphe. Et regna sept ans duc. Il fut homme de si grant et magnanime couraige que sil neust este ainsi tost prevenu de mort comme il fut il conspiroit et pensoit en

soy mesme a estre une foys empereur et y fust parvenu se il eust vescu. Il ediffia en papie entre les autres choses une maison royalle tressuntueuse de beaulte incredible: en laquelle il mist si grant habondance de livres quon ne les scavoit estimer. Et ediffia ung monastere de chartreux ou il donne grans rentes et revenues: auquel lieu il esleut estre en sepulture La mort de luy fut la destruction de toute ytallic.

¶ La description de la cite de Venise



La cite de venise trespuissant et renommee fut ediffiee comme racompte richobal de ferrare hystorien en la province de venise en lan quatre mil lv. Aucuns dient quelle fut ediffiee de enectus ou venetus ung prince de troyes. Les aultres dient quelle print son commencement daucuns pescheurs neantmoins comme racompte ledic hystorien elle fut ediffiee quant ytallic fut quasi tout destruite des huncs quondit hongres et tous les citoyens de toutes citez voisines eulx enfuyant ne scavant ou pour eulx musser et caher pour la peur diceulx sen vindrent en lextreme partie des paluz et marestz de la mer adriatique: ausquelz palus avoint ung moult grant champ et la se assembleret les plus nobles citoiens de ladicte ytallic non pas pasteurs ne pescheurs. Et audit lieu en deseichant la terre ediffierent maisons et la demourerent et lappellerent venise pour le nom de la province ainsi nommee Lesditz autres citoyens dy-

(*) D. i. tallie (*) | aux environs desditz palutz de ladicte mer adriaticque ediffierent plusieurs autres citez comme ceulx de aquileya ediffierent premier la cite de gradum: les cordiens crapule: et les altinates six petites villes et autres. Ceste noble cite tantost apres fut augmentee si grandement que il est impossible de le croire. Laquelle cite entre toutes les autres citez du monde la divine puissance de dieu leur a este favorable et amye Car elle surmonte les autres de richesses et de oeuvres manuelles Car les fondemens dicelle sont faitz en terre entre les vagues de la mer Cite royne des autres citez garnie de plusieurs temples: de nobles maisons de tours et de navires et ce qui est fait a laornement dicelle pourroit suffire pour aorner et embellir quasi toutes les autres citez du monde: et est le siege seur et commun domicile a toutes gens hospital du genre humain et le receptacle institue de dieu. Et avec ce descendent plusieurs fleuves a lentour qui sert de muraille contre les autres regions ennemis dicelle: a laquelle sont apportez bledz et autres vitailles necessaires des citez mediterranees. Et le lieu au port de la ville est si bien situe que toutes les naves qui y arrivent de quelque estat quilz soient quant ilz sont au port sont si seurement que nulz ennemis tant soient fors ne peuvent comprendre la forteresse dicelluy Car comme dit cassiodore ceste cite a pour son pavement la mer pour la muraille les eaues de la mer. et pour sa couverture le ciel. Et este en celle cite ung devoremets de mer auquel le fluz et reflux de la mer vient tous iours uue fois le iour. Lamplitude de ceste cite est si grant et la dignite quelle na pas nom seulement de patriarche daquilee. Mais entre les gens

trescruelz est venu si hault quelle a sormonte et attribue a elle plusieurs seigneuries par mer et par terre Aussi defferme et ouvre franchement son port a chascun: par la quelle chose ville du mond nest a elle comparee. Et en oultre les habitans qui nont nulz heritiers il leur est licite de eulx adopter et par ceste costume sont les enfans legitimes. Et pour le present ne declairons point la grant maniere et condicion quilz ont deulx gouverner ne leurs propres loix ne leur amplitude de leurs grans choses faictes ne les victoires quilz ont eues en toutes manieres de batailles ne aussi leur divine obeysance de servir a dieu. Car se seroit une chose non pas seulement souverayne. | mais seroit au dessus des forces humaines. Mais en somme il suffist dire que les venissien ont tousiours este droitz et iustes et non voulu ne souffert faire guerre a autruy si ce nest a cause de leur deffence Et sur tout ce bien et honneur que la chose publique est tousiours universelle et si bien conduite et conseillie en commun quil nest rien laisse pour obeyr a la chose publique. Ce que les a gardez davoit tousiours a discention et discord entre les populaires: car ilz ont eu tousiours conduite sans avoir factions ne contencions: et par ce ont entretenu leur seigneurie si longuement quilz ont este tousiours tardifz a faire bataille. Semblablement pour le salut de leurs amis ilz nont point espargne leurs armes ne leurs fortunes contre les autres nations sans avoir crainte ne doute deulx. Ilz ont encores de present une ancienne coustume et singuliere davoit benivolance aux chrestiens. Et pource on les peu appeller la deffence des chrestiens. Car lesditz venissiens en prudence: force magnificence

begninite: clemence et en toutes vertuz il precedent et les altrenibut a leur louenge. Car ceulz qui sont soubz eulx et dont ilz ont la cure habitent seurement en paix et sont bien eureux: car ilz deschargent et deffendent lesdictes citez de monstres et de tyrans. Aussi laissons a racompter combien de roys et de haulx princes degetez par fraulde et par force de leurs royaulmes et seigneuries a grands despens les ont autrefois restituez et donne ayde et confort. Nous ne scaurions dire chose croyable a peine de la grant gloire deyceulx: car ilz ont tant de navires sur la mer bien ordonnez et tant de gens de toutes manieres de deffence de guerre quilz envoient tous les ans en longatain pais: lequel nombre est inestimable. Combien de villes et par mer et par terre par leur sapience ont ilz acquis. Et se ilz scavent aucuns larrons de mer ilz les suyvent tant quilz les destruyent. Ilz rendent la mer seure tant aux marchans que aux pelerins que a aultres gens. Et pource dit ung acteur en leur louenge par metres disant Que tant que en mer aura daulphin tant que ou ciel aura des estoilles cleres tant que la terre portera fruictz et que le genre humain sera sur terre Venise sera tousiours louee et decoree par tout le monde En | (*) ceste cite est le corps du glorieux saint marc qui fut apporte de alexandrie honnore en tresgrant reverence: en lhonneur duquel a este ediffie ung temple moult honorable au millieu de la cite ouquel sont cachez plusieurs richesses et tresors inestimables.

(*) D. ii.

¶ La description de romme.



ROMME renommee sur toutes le citez du monde fut ainsi nommee de romulus qui la fonda en la unziesme annee de ezechiel roy de iudee. Laquelle touteffois nous ne lisons point comment elle fut ediffiee. On dit quil y a sept montaignes esuelles on dit quil ya eu sept citez telles quelles entre le mont aventin et le capitolle et le mont colentin. Les autres dient quelle fut premierement ediffiee au mont palentin: auquel enander mist premier son siege et fonda ung palais auquel lieu aussi goltifredus hispricien dit que camasse filz de neinbrot le geant apres la confusion des langues ediffia icelle et lappella camassa de son nom. Et pour ce saint augustin au premier livre de la cite de dieu approuvant ce dit romme estre comme ung autre babiloine. et est et a este construite come fille de babiloine. On dit que saturne se mucea en ce lieu et cornelius dit quelle fut premier ediffiee sur le mont palatin. Et pource les roys premierement misrent leur seigneurie au dit lieu. Apres les consulz et les empereurs pour la plus grant partie. Et ne fault point doubter que le circuit est moult grant Car plinius en la troysiesme de lystoire naturelle dit que au commencement elle fut petite: et en son temps avoit de longueur vingt mille pas. Et flavius hystorien dit que lempereur aurelian laugmenta en son temps de trente mille pas: mais pource quelle estoit souvent destruite nous ne scaurions escrire tous les

lieux dicelle. La magnificence de laquelle cite splendeur et aornement en tant quelle est de infinie ouvraige et que plusieurs en ont voulu parler pour le present ne suis point suffisant den parler mais se aucun veult considerer sa puissance et ses innumerables eddiffices regarde les cavernes les places les fondemens soubz les vignes des-soubz les eglises et soubz les maisons des cytoyens tant dehors la cite que dedans. Il verra de grans ruynes. lesquelles il verra par la porte aurelie latine et flammine: car nous y avons aucunneffois veu pavemens vernisseez de merueilleuse | beaulte On y voit aussi les piscines ou clovestres: et par ces choses peut on considerer quelz ediffices elle a eu au tems passe et quelle puissance a eu le peuple rommain. Auquel lieu ont este redigees quasi toutes les richesses du monde: de laquelle cite sont yssus citoyens qui ont este dictateurs: empereurs et consulz puissans quilz ont ediffie en icelle et dehors trespuissantes maisons et qui avoient plusieurs villes sumptueusement appareillees. En icelle cite avoient aussi les libertins plusieurs triumpantes maisons. Et pour lors ung homme nestoit point repute riche entre les rommains qui ne pouvoit a ses propres despens gouverner une exercite de guerre. Comme marcus crassus fut. Au surplus ie adousteray a la puissance des rommains qui a este le prince en ytallie qui ait eu autant de biens comme luculus lequel cicero appelle xerses qui estoit pour soubstenir honorablement iusques a xxv. mille hommes chascun an a ses gaiges et despens Mais nonpourtant ledit luculus seul nestoit pas repute riche en icelle cite: car il y avoit plus de .xxv. mille hommes qui estoient plus riches que ledit luculus en toutes richesses sans

luy faire iniure. De ceste tresroyalle cite sont yssus hommes innumerables de tresgrant renom tant en chose militaire comme en toutes maniers de vertus et de sciences: lesquelz il seroit a nous impossible de declairer: mais nous en declairerons aucuns. Et affin que nous commencons aux militaires elle engendra pyrrus dictateur qui triompha des senniques: Marcus fabius qui triompha des francoys et des etheuriens: Scipion laffrican qui triompha des espagnolz: Cathon pareillement des espagnolz: Lucius quincius des lacedemonois: Lucius cornelius des boesmes: Marcus fulvius des gothes: Manilius des gaulles habitans en asie: Emilius de ceulx de perse: Pompeius de mitrida et de plusieurs autres roys: Cesar de ceulx de gaulle: despaigne: des allemaignes: des alexandriens: des ponthois et afferquans. Plusieurs autres grands empereurs ont este en ladicte cite desquelz nous nous taisons pour cause de briefvete. Quant aux lectrez cathon: varro: cicero: nigidus: scipion consul et plusieurs autres. En ceste cite a eu tresinfinitz et innobrables saintz hommes entre lesquelz en a eu deux souverains: cestassavoir ambrosius archevesque de millan et gregorius magnus les deux (*) | principaulx docteurs de leglise. Delle sont yssus octante papes et plus En ceste cite a eu trente portes par ou on entroit et sortoit dedans la ville. Comme nous avons dit en romme a eu sept montaignes Aussi au capitolle a eu de merueilleux edifices ou il y avoit plusieurs temples: et pour venir a la grandeur de romme sa ruyne et destruction le montre.

(*) D. iii.

☞ La description de naples.



APLES anciennement cite royalle de la campagne partenope. Fut ediffiee par dyomedes es rivaiges de la mer : laquelle depuis quelle sest submise aux rommains et aux autres princes et seigneurs elle leur a garde foy et loyaulte: et pource elle commença a florir tresgrandement ou temps des consulz des rommains. Parquoy depuis troys cens ans enca elle a este ennoblie de royaulle dignite: de belles eglises: de murailles: de chasteaux et de edifices privez et publiques plus que autres citez dytallie. En laquelle ya plusieurs monasteres de religieux. Et entre les aultres alphonse pere de fernandus roy a ediffie un tresbeau chastel en la mer appelle le chesteau neuf qui est a preferer devant tous les ouvraiges de ytallie tant neufz que anciens: auquel ya une tour treshaute de mur fort espes et salles magnifiques. De laquelle cite sont yssus plusieurs grans nobles hommes: entre lesquelz a este boniface .viii. pape. Johannes .xxxiii lequel lempereur sigismond priva pour faire union a leglise. En laquelle a demoure et tenu siege virgille: orace: titus livius: et dit on le corps de virgille estre enterre dedans la dicte ville.



RIMINOLA conte tresame de philippe duc de millan excellent empereur : lequel estoit appelle francoys en son propre nom. En ce temps apres quil eut plusieurs choses pour la deffence de la seigneurie portoit impaciemment que philippes duc de millan avoit mys guydo torelis en la prevoste des navires contre alphonce par devant luy et lavoit oste et desmis de la dictature de gennes et quil regardoit aussi aucuns de ses adversaires qui estoient mieulx en grace de philippe que luy. Et de ce indigne se departit de son seigneur philippes come offence et vint devers les venissiens lesquelz le receurent eu grant | honneur. Et tantost par le decret de leur senat le firent duc de la seigneurie de venise. Cestuy francoys natif de la ville de criminola : lequel estoit bel enfant et bien forme fut prins par les chevaliers de philippe et mene a papie devers ledit philippe : lequel quant le vit si bel et si plaisant a regarder de pourete il le fist riche et de rustice pour la magnanimite de son corps le fist prince et empereur Lequel apres quil eut receu la seigneurie voyant que son seigneur philipe estoit moult occupe en armes par sa prudence de magnanimite et industrie occist et expulsa tous les tyrans et restitua toute la seigneurie entiere a son seigneur. Et encores non content de ce il adiousta a la seigneurie de philippes la trespuissant cite de gennes : en laquelle par sa prudence il gouverna ladicte dictature et restaura ladicte cite darmes qui avoit este destruite et desolee par avant

et leur osta toutes leurs vielles haines et factions et les fist tot estre comme amys et ung peuple (1). Cestuy francoys fut de souveraine foy et de iustice tresfacient a tous labeurs. Pour lesquelles causes quant a la science de la chose militaire il surmonta tous ses antecesses et en

(1) Francesco Carmagnola fu spedito a Genova in qualità di Governatore dal Duca Filippo Maria Visconti con lettere patenti datate il 9 novembre 1422. Queste lettere si trovano registrate sotto il dì 7 del successivo dicembre a carte 12-13 del Codice *Diversorum Jacobi de Bracellis cancellarii ann. 1422-23* dell' Archivio di Stato della stessa città; e noi crediamo utile pubblicarle servendoci all'uopo di una trascrizione fattane dal socio Carlo Prayer che ce l'ha gentilmente comunicata.

MCCCCXXII, die VII decembris.

Magnificus dominus Franciscus dictus Carmagnola de Vicecomitibus comes Castri-novi et Januensium Gubernator pro Illustrissimo Domino nostro Duce Mediolani etc. in presentia Spectabilis Consilii dominorum Ancianorum, Officiorum provisionis et monete, et magni numeri civium ad hoc vocatorum, iussit legi et recitari literas bailie sue tenoris infrascripti.

Filippus Maria Anglus Dux Mediolani etc. Papie Anglerieque Comes ac Janue Dominus. Et si postquam a Summo omnium bonorum Largitore nobis attributa fuit dominandi potestas studuerimus subditas nobis urbes earumque nobiles et ignobiles ac populos toto iusticie cultu fovere sub quo regna dominiaque stabiliri noscuntur et diutius perdurare. Hoc tamen studium nostrum innatamque nobis curam hanc longe tenacius insidet menti nostre in regimen conservationem et augmentum magnifice nostre civitatis Janue eo vehementius extendere quo urbs ipsa mundo celebris diuturno civili concussa dissidio celerioris et grandioris reformationis ampliacionisque medelam atque fomentum exposcit. Digna itaque meditatione pensantes huic famose urbi personam magnificam et prestantem preficere, cuius preclara virtus nostram portendens presentiam sciat possit et velit civitatem eandem et circumadiacentes civitates terras et loca sua et etiam dicte civitati quomodocumque pertinentes pro statu nostro rei quoque publice incremento salubriter regere, mature gubernare, diligenter conservare, avisare, dirigere et totis viribus ac ingeniis ampliare, quo civitas ipsa in pristino flore venerabili utique et tremendo revirescere veniat et in stabili pace et quietudine solidari. Urbi eidem, civitatibus, terris, locis, rippariis et castris tam citra quam ultra mare que subsunt aut solite sunt subesse ipsi civitati Janue vel eidem quomodolibet pertinere, nostro nunc dominio deditis, earumque incolis et subditis preficiendum duximus et preficimus per presentes in nostrum Gubernatorem magnificum consiliarium nostrum di-

sa seigneurie usa de si grant iustice que on neust ose prendre seullement les pommes pendans aux arbres sans les avoir payez et ne laissoit pas passer ung iour quil ne donnast aucune chose a ses chevaliers. Pareillement gardoit sa promesse et ce quil promettoit lacomplissoit

lectissimum Franciscum dictum Carmagnolam de Vicecomitibus, comitem Castrinovi, de cuius et prestanti in cunctis, signanter in discipline exercitio militaris, probitate, ac multiplicium et notabilium bene gestorum suorum celebritate vigente, mira in occurrentibus providentia, industri et solertissima in omnibus cura, solida et inflexibili a recto et honesto circumspectione, et integerrima ad nos et statum nostrum devotione et fide omni ex parte concipimus confidimus et speramus. Concedentes eidem omnimodam auctoritatem potestatem et bailiam regendi gubernandi et regulandi dictam nostram civitatem Janue, ac civitates terras loca et castra tam ultra quam citra mare que subsunt aut subesse solent et pertinere quovismodo ipsi civitati Janue, ac earum cives subditos et incolas, cum mero et mixto imperio et omnimoda iurisdictione, et cum illa eadem potestate quam habemus et qua uti possemus si ibidem nos essemus; quamque eidem tenore presentium concedimus, totales vices nostras eidem in predictis committentes, ac etiam plenum arbitrium auctoritatem bailiam et omnimodam potestatem possendi quecumque agenda dicte nostre civitatis, nec non civitatum terrarum locorum rippariarum et castrorum predictorum, et earumque incolarum et subditorum peragere dirigere disponere regere et omnimode gubernare pro statu ipso nostro et reipublice incremento et secundum occurrentiam casuum pro ut eidem Gubernatori nostro qui in facto erit pro condicionum qualitate et temporum exigentia melius videbitur, et prout nos ipsi facere posse censemur, etiam si quid tale foret quod nostri deiberationem et provisionem requireret et quod in generali concessione non intelligeretur et necesse foret de eo hic fieri mencionem specialem. Mandantes omibus et singulis nostris ibi tam castellanis quam aliis officialibus presentibus et futuris nec non venerabili Antianorum Consilio, Officio provisionis, civibusque et universo populo, ac ceteris subditis nostris dicte civitatis et aliis quibuscumque castellanis officialibus et subditis aliarum civitatum, terrarum, locorum, rippariarum et castrorum predictorum presentibus et futuris quatenus prenommatum Gubernatorem nostrum ibidem reverentes eidem ad omnia et singula nostrum concernentia honorem et statum ac bonum etiam civitatis predictae pertinentiarumque suarum assistant favoribus directionibus et iuvaminibus quibuslibet, ac eidem obediant fideliter tamquam nobis, presentibus nostris litteris usque ad nostri beneplacitum firmiter valituris. In quorum testimonium presentes fieri et registrari iussimus, nostrique sigilli munimine roborari. Data Cusaghi die nona Novembris, Millesimo quadringentesimo vigesimo secundo, prima indictione.

ZANINUS.

incontinent. Ainsi comme il avoit este longuement soubz philippe duc et quil vint a venise et que par le senat on luy avoit baille charge de mener la bataille contre philippe : assembla grant exercice et vint premierement contre brixie laquelle il osta audit philippe a layde d'aucuns citoiens dicelle ville. Certes ceste chose fist il non pas pour la hayne de philippe : car il estoit son droit seigneur : mais pour la vengeance de ses hayneurs qui l'avoient mis en la male grace de philippe. Et aussi affin quil mist grant gloire en son nom et que pource que pour sa mutation la fortune de philippe fut abbaissee apres quil eut fait plusieurs choses contre les venissiens et affin quil retournast en la grace de philippe en faingnant les venissiens le manderent venir a venise : et audit lieu par le decret du senat au marche de saint marc luy firent trancher la teste : car il fut convaincu par lettres et tesmoings quil navoit tenu que a lui que les venissiens ne fussent seigneurs de cremone et pour autres | causes. Ainsi fut la fin de cestuy grant homme apres toutes les vaillantises et et biensfaitz : bonne fortune luy fist trancher la teste.

LAN mil quatre cens . xxxii . les millannois assemblerent grande quantite de navires en la cite de gennes : contre lesquelz les florentins et venissiens vindrent a grant puissance iusques a leur port et tellement furent combatuz deulz quilz surmonterent ceulx de gennes et prindrent unze de leurs navires. Les venissiens io-

yeulx de ce descendirent par terre et assaillirent les millanois a laide de leur duc criminola: et philippe le duc appella a soy nicolas picenin qui estoit en etheurie lequel vainquit les navires des venissiens qui estoient empres cremonne et retarda les assaulx que ledit criminola faisoit par terre: pour quoy les venissiens peu de temps apres firent trencher la teste audit criminola: apres la mort duquel iehan franciscus gouzata receut la seigneurie: lequel en ceste bataille combien que ses gens fussent vaincuz il se combatit contre ses ennemys victorieus en louenge et en gloire: car ledit iehan francisque assembla plusieurs legions anciennes: cestassavoir gatha melata homme tresvaillant: tybertum petrum: paulum rommain et plusieurs autres grans capitaines en armes: de lautre partie furent baillez avec nicolas picenin viltilian et foro iulien et autres plusieurs non saichans riens des faitz de guerre par la vertu desquelz il fist plusieurs grans choses: car apres quilz eurent vaincu les navires des venissiens en pade comme dit est et quil eut reprins les villes que les venissiens occupoient entour cremonne assembla grant ost et premierement sen vint contre gamalatha et le vainquit et mist en fuyte tous ceulx de campagne Parquoy philipe de millan print grant courage en soy et par promesses et grans dons attrahit a soy lempereur sigismong et aussi ledit iehan francisque duc des venissiens. Et en lan ensuyvant envoya ledit nicolas picenin avec ledit iehan francois et plusieurs autres contre les brixiens lesquelz assiegerent la ville par aucun temps: mais come pierre advocat et martineius et plusieurs citoiens dicelle avec francisque barbare prevost dicelle la defendirent vaillamment et pource ledit

picenin por le mauvais temps dyver se convertit et sen alla aux chasteaulx des environs pour garde que aucun secors ne vensist a la cite. Et de la sen alla a veronne et tout ce quil trouva a lentour gasta et destruist tout sans rien laisser aux venissiens Apres il essaya occuper ast et le lac affin que | ces ny peussent venir. Et par ainsi lesditz brixiens eussent peu mourir de fain. Mais aucuns navires furent amenez par les venissiens iusques au lac de saint andry lesquelz ayderent de vivres aux brixionnois: lesquelz porterent a menger a ceulx qui estoient dedans la ville de brixo. Mais nonobstant ledit nicolas picenin menoit tousiours grant guerre contre ceulx de veronne et autres. Pource franciscus foscarius duc de venise et les aultres venissiens craignans et estimans estre vaincuz silz navoient ung puissant homme en bataille a leurs gaiges: si envoyerent orateurs en florence en leurs priant quilz leur envoyassent francisque sphorcium hastivement avec toute leur puissance a leur ayde Autrement quilz seroient vaincuz. Ausquelz les florentins envoyerent ledit francisque qui avoit este cree par le pape eugene marquis de tisene: lequel francisque avec grant excercice descendit en la de veronne ou il assaillit merveilleusement en bataille ses ennemys. Mais nicolas picenin luy voyant navoir plus gueres de gens darmes avec luy devint malade et luy convint se departir et sen aller en autre lieu. Parquoy les autres reprindrent toutes les places des environs de veronne. Pour laquelle victoire ledit francoy fut esleve en honneur et delibera de venir delivrer brixie que estoit assiegee de victelian. Mais luy regardant que toutes les entrees estoient estoupees vint par le fleuve arthesim et descendit

en la terre des tridennois ou il print le chasteau de la ville darcum. Mais ainsi que picenin venoit pour deffendre larcheconte de arcum il fut vaincu dudit francisque sphorcia et se mist en fuyte a tout son exercice. Neantmoins dient aucuns que ledit picenin fut receu en la dicte ville de arcum. Et apres par ung sien serviteur qui estoit de grandeur de corps et fort et puissant comme ung geant fut porte comme une charongne infecte sur ses espauls en ung sac hors la ville et passa tout a travers lexercice de ses ennemys. Et tantost apres refist tous ses chasteaulz. Ainsi que ces choses se traictoient philippes cource contre les florentins de ce quilz avoient baille en ayde aux venissiens francisque sphorce eugene pape comman assembler concille en la cite de basle: auquel concille il priva eugene prince des venissiens et le priva de son evesche. Lequel apres craignant lauctorite du concille ordonna ung autre concille a ferrare: mais philippe qui estoit avec ceulx du concille de basle | fist tant que apres ledit eugene fut cite et non voulant comparer fut desmis de sa pontificalite et creerent pape amedeus hermite duc de savoye gendre de philippe ce qui fut fait. Et lors ledit picenins et le marquis de manthue combien quilz eussent en plusieurs dommaiges reprindrent leurs forces et revindrent contre veronne en grande impetuosite et prindrent ladicte cite. Et quant francoys sphorce et iacobus anthonius consulz des venissiens entendirent la cite estre prinse assemblerent grande puissance et vindrent assaillir la cite: et apres grande occision dune partie et daultre quatre iours apres la reprindrent. Laquelle chose ainsi acomplie fut commencement de la fellicite advenir des venissiens: car lors en bergonne

et en brixie avoit une terrible famine : et pource iacobus anthonius marcellus apres que leurs ennemys furent vaincuz a veronne hastivement partit combien que tous les chemins fussent estoupez par divers lieux il vint en brixie laquelle il delivra et leva le siege de bergonne et pareillement delivra les autres citez de tous ses ennemis : mais aussi audit temps vainquit tous les cappitaines dudit philippe avecque mille et cinquante chevaliers quil print et reconquist plusieurs chasteaulx de la terre de brixie et mist en la puissance des venissiens une grant partie de cremone et de mantue et perdit pour lors ledit prince de manthue troys de ses villes. Et pour le temps que ses pertes vindrent a philippe picenin estoit en etheurie : lequel quant il ouyt la fortune des venissiens estre muee par les prieres de plusieurs retourna devers philippe et vint en brixie contre sphorcia de grant couraige. Et quant ilz eurent longuement bataille ensemble et que on ne scavoit lequel devoit avoir victoire ledit francisque sphorcia se partit a tout son exercice et sen alla prendre aucuns chasteaulx dudit picenin et les mist en la puissance des venissiens. Et puis sen vint a ung chateau nomme martinegum et lassiegea Et quant picenin le sceut il vint a lencontre du dit francoys et se mist en tresgrant danger de sa personne. Et ainsi que ces choses se faisoient la paix fut faicte entre ledit francoys et le duc philippe non saichant ledit picenin. Et print ledit francoys a femme blanche fille unique dudit philippe et lui donna la ville de cremonne et pontrenulum et plusieurs aultres places que possedoit le marquis de manthoue. |



RANCISQUE filz de sphorcia gendre de philippe marie duc de millan en ce temps fut constitue duc de millan de droit ligne et fut le quart duc et regna avec blanche marie par seize ans ung moys. Cestuy fut homme treseloquent. Car par son eloquence: magnanimité: force: liberalité: prudence et saigesse il surmonta tous ses autres predecesseurs: car il fut si victorieux en guerre que on dit que apres cesar lempereur en toute ytallie na point este trouue de pareil. Le quel commença a suyvir la guerre de son adolescence avec son pere sphorcia: et apres son pere mort il se occupa aux choses belliques et fist plusieurs vaillantises. Premièrement contre brachium empereur: contre les florentins et venissiens: contre eugene pape: contre les millannois et liguriens et contre les gaulles transalpines. Et affin den dire verite il obtint victoire contre toutes les ytalliens duquel sont ses triumphes en plusieurs lieux qui le eslievent iusques au ciel: duquel aussi ont este faictes plusieurs histoires et poeteries qui a present sont encores escriptes a sa louenge. En son temps fut craint et redoubte de tous le monde Les ytalliens lassa et fatigua de ses faitz darmes: il print picene et toute la province: submist millan a sa seigneurie. Et de tous faitz darmes quil entreprenoit tousiours sen retournoit victorieux en quelque facon que ce fust. Il osta par sapience et industrie les factions des guelphes et gibellins et comme bon pere fait a ses enfans Il aymoit ses citiens. A le-

xemple duquel plusieurs autres princes firent ainsi. Lequel quant il entra en millan trouva la ville toute destruite et navoit plus nulle semblance de cite par les guerres quelle avoit soustenues: car le temple de iovis estoit cheut en ruyne: les rues inhabitees et la ville boeuse. Parquoy il manda tous les ouvriers des estranges terres pour la reffaire a ses despens. Apres que pourray ie dire: ledit seigneur ne trouva en sa seigneurie nulle pitie: nulle urbanite de religion mais comme prince trescleement quatre ans apres les calamitez de ses subiectz fist paix proffitable avec les venissiens et tourna son couraige a restaurer et aorner ses citez en mettant bonnes meurs entre les hommes: tellement que en brief temps ilz furent toutes faictes en convalescence: duquel les venissiens: les ferrariens: les florentins et autres ditalie firent semblablement en leur citez: et pource fut par sa dessert appelle pere du pays Les genevoys ayant discord entre eulx considerant la bonte et clemence dudit prince se soubzmirent a luy avec toute leur seigneurie: lequel le roy de france: ducz de bourgogne et de savoye et de toute ytalie honnoroient comme leur pere. Il fist de grans ediffices tant en millan que en ses autres citez: et premierement le chasteau de iovis qui avoit este paravant destruit le rediffia en forme sumptueuse comme il est de present. Et en la cite de laude ediffia ung hospital magnifique et sumptueux et augmenta le grant temple qui estoit ia encommence. Il ediffia plusieurs monasteres tant dhombres que de femmes et par especial hors la porte cumana. Il ediffia ung noble monastere avec leglise de saint nicolas de torentin par ladmonnestement de sa femme blanche marie: et combien

que cedit duc surmontast tous les princes de son temps en sapience: touteffois il fut en la vieillesse comme fut salomon: car il fut deceu de femme. Neantmoins estoit une cose louable en luy. Car combien quil feust luxurieux iamais nen voulut avoir aucune violement ne sans son consentement. En la fin de ses ans moult vieil delassa six enfans masles et deux femelles de sa propre femme lan mil quatre cens soixante et six: et fut enterre en gran triumphe et honneur en la grant eglise de la cite de millan pres du maistre autel au plus haut lieu.

En lan dessusdict galeace marie .v. duc de millan apres la mort de francisque sphort luy absent fut declaire duc et reigna neuf ans dix moi homme de tresprompt engin prince de grant couraige: parquoy en sa vie il fut plus sembable a iehan duc de millan son oncle qui ne fut a son pere ou a sa mere blanche qui estoit femme tressaige et religieuse: par la voulente de tout le peuple apres la mort de francisque devoit administrer et gouverner toute la seigneurie avec sondit filz: mais cedit galeache comme constantin septiesme empereur de grece ne porta pas longuement lempire de sa mere: car il la mist hors davecques luy deux ans apres son regne comme fist ledit empereur sa mere helene affin quil regnast seul. Cestuy galeache sa mere vivant avec luy sembloit estre assez modere: mais apres la mort dicelle cheut et tresbucha en divers | vices comme destre avaricieulx: luxurieux: orgueilleux: et par ce il concita contre soy la hayne et indignation de ses cystoyens: neantmoins on disoit ung bien de luy que combien quil fust tresdiligent en la recepte des pecunes neantmoins iamais il ne se departit de iustice ne par soy ne par les siens

Aincois pource quil craignoit le divin iugement faisoit des grandes aulmosnes et quant il estoit constitue en tribulation il se reputoit estre un tresgrant pecheur soy recommandant a dieu et aux oraisons de ses serviteurs et selon le conseil de daniel le prophete rachetoit ses pechez par aulmosnes qui estoit ung bien pour la foy On disoit de luy une autre chose digne de memoire que ainsi comme il estoit large et habandonne aux choses corporelles: aussi estoit large en la celebracion des divines offices et y faisoit de grans despens car il avoit les plus souverains chantres quil pouvoit trouver a ses despens Lequel apres que il eut fait plusieurs edifices en la cite de millan il fist une chose souveraine Car il fist paver toute la cite de pierre. Cestuy apres quil congneut quil avoit tout despendu les tresors de son pere assembla plus de grans tresors et richesses que ne firent iamais ses predecesseurs. Il fut luxurieux outre mesure: et en delaissant lhonestete de sa maieste deflora plusieurs vierges et viola plusieurs matrosnes: en la fin par coniuracion contre lui faicte par ses domestiques la feste et le iour saint estienne premier martir feste de la ville devant tous ses barons et chevaliers: et presens tous les citoiens de la ville et toute sa famille de sa maison fut occis laidement par ses coniurateurs en lan de son aage .xxxiii. Et fut ensevely au grant temple de la cite iouxte ses parens et delassa deux filz et une fille ieunes lesquelz il avoit euz de bonne de savoye sa femme.



IEHAN marie viconte .vi. duc de millan apres la mort de son pere galeache occis devant leglise de saint estienne en cest an ou iour de lepiphanie au neufiesme an de son aage par le decret des anciens fut declare duc et porte en leglise de nostre dame voyant tout le peuple et tous les enciens assistens avec tous les officiers du regne revestu du bonnet et des ornements de duc Et pource quil estoit encores ieune la cure principale de la seigneurie fut baillee a sa mere nommee bonne (*) fille de savoye et aucuns autres de ses parens et princes seigneurs du pays. Mais pource que en gouvernement d'aucun royaulme on ne trouve point compaignye seure Ung nomme siccus calabrien qui de longs temps congnossoit tous les secretz de la seigneurie et qui avoit a coustume scavoir les choses des baitailles et de paix homme subtil et cault et enseigne en lexperience de plusieurs choses: et quil cogneut quil pouvoit estre modérateur de toutes ces choses: considerant quil avoit des germains du duc deffunct ieunes lesquelz estoient de grant esperit qui luy pourroient bien contrestre a ses voutentes pource ne queroit autre chose que de les expulser hors de la compaignie dudit ichan marie Et de fait les accusa envers ledit seigneur de cas de crime de leze maieste parquoy ilz furent condamne en exil perpetuel en divers lieux: et apres en fist mourir les deux Les aultres vivans apres long temps retournerent et revindrent en millan et prindrent ledit siccus comme leur

(*) E. i.

ennemy mortel et lenvoyerent au chastel de papie: puis en la fin luy firent trencher la teste. Et osterent bonne de la seigneurie de millan comme non experte de ladministracion de son filz et fut baillee la cure principale a ludovic oncle de ladollescent: a robert severinati et a aucuns autres nobles citoyens de la cite: lesquelz apres peu de temps eurent discord ensemble et fut chasse ledit robert hors de millan et baillee sa puissance a constance sphort son parent: laquelle chose engendra grans dommaiges a la seigneurie: car ilz en perdirent gennes et la seigneurie dicelle. Et toute lexercite de millan pour la plus grant part fur occise devant gennes: et par ce fut contraint de porter plus grans dommaiges et despens Cestuy ludovic priva les rouges nobles hommes et puissans de parme et de tous leur chasteaulx a lui rebellant et les rebouta a toute leur seigneurie: et eut grant guerre contre les venissiens pour la deffence de ferrare pour laquelle il excigea grant somme de pecune Et pource quil estoit de bonne ieunesse et repute de bon entendement et de grant engin pour le regime et seigneurie promettoit plusieurs benefices a plusieurs.

UDOVIC sphort filz de francisque sphort oncle de iehan philipe marie Duc de millan et son tuteur envoye en exil avecques ses freres par siccus calabriem Retourna en lombardie avec robert severinate et print la cite de dordonne et aucunes autres villes appartenantes a ladicte cite de millan. Et par ce le gouver-

neur de millan fut espouente et revoca leurs exilz et les receut en grace. En tantost apres il fut constitue premier gouverneur de la chose publique avec bonne la duchesse mere du petit duc Lequel apres par le conseil des seigneurs osta ladicte bonne de son octorite et contraignit robert severinate de partir et print aide de lad-
ministration constance sphort son parent seigneur de pisaure: auquel aussi il bailla la generale cure de la puissance des millanois: lequel estoit homme tressaige et de grant autorite repute entre les ytalliens fist paix entre les venissiens et ferrant roy de apoille et hercules duc de ferrare et marquis de mantue et conduysit la duche de millan: et iusques a ce temps gouverna ladicte seigneurie.

¶ La description de lombardie.



COMME nous avons dit au commencement de cé petit livre Lombardie a eu plusieurs noms et premier fut appellee hespera de hespere frere de athelas qui fut expulse despaigne de par son frere: lequel vint en ceste region appellee maintenant lombardie: laquelle il posseda et l'appella de son nom. Apres elle fut appellee enotria ou pour le bon vin qui y croist ou comme dit plinius en hystoire .iii. naturelle de enotrius roy des sabbinoys regnant en icelle. Depuis a este appellee ytalie de ytalus roy de cecille: lequel comme dit servius vint en celle partie en laquelle regnoit turnus et lappella de

son nom ytaille. Apres ce elle fut appelle le grant grece et apres depuis les alpes iusques a romme est appellee gaulle cisalpine: laquelle fut divisee en six provinces: desquelles la premiere est appellee senomanensis: en laquelle est la ville de bergonne: brixie: cremone: mantue. La seconde est senonensis qui contient veronne: vincence: patavie: tervisium: ravenne forligny et arimine iusques a senes et autres plusieurs citez ou les senogalensois ont este Desquelz escript livius quilz eurent plusieurs batailles avec les rommains. La .iii. est appellee gallia boyorum pour les gaullois boiens qui vindrent de la gaulle orientale et de leur nom y ediffierent une cite quelz appellent boye Ceste cite fust ediffie entre la riviere du pade et trebye. La .iiii. fut appellee gaulle ligurie que contient en soy thaurine et les montagnes de savoye: secutie auguste eporedie et le mont royal La .v. fut gaule insubrie en laquelle est millan: come papie: novaire et verselles. La sixiesme fut appellee gaulle gennense | (*) pour la cite de gennes qui contient derdonne: alixandrie: aquense estance: savoine: nolence: et albiganiense. Mais comme nous trouvons en la cronique lombarde toute ytaille que les estrangiers appellent lombardie est divisee en quinze regions. Desquelles la premiere est Venise: de lesquelles sont citez cappitales bergonne: aquileya. Lautre est ligurie de laquelle millan est capital. La troisesme est rethia ou la province des pymontois: laquelle est double et dicelle est thaurinium le chief. La quatriesme est aggrestis que les aggrestes ou montains habitent. Item aspicocia est une autre region ou la cite de gennes est situee et autres. Apres est une autre region appellee thurie ou romme

(*) E .ii.

est situee. Lautre region est appallee campagne et la est naples situee. Lautre est lucanie ou est pistorium. Et lautre appenine ou est bobium. La dixiesme est emilia: en laquelle est constitue boulongne iusques a plance. Et flamine en laquelle est picenum aiant ascalum et adrian. Et sannitum en laquelle est beneventum. Et apres apulie en laquelle est brondusium et autres citez: desquelles regions les noms ont este muez trois ou quatre fois et plus: mais blondus forliniensis homme saige et lettre divise toute ytallie en .xiiii. regions sans les isles: et le nomme par noms les plus congneus de nostre temps et assigne leurs termes a chascune region comme dessus est dit. Toutes lesquelle provinces furent depuis assaillies par les roys longobars excepte romme et depuis ont este occupees par les ducz et prevostz quilz y ont mis: et en tant quilz ont peu ont oste le nom ditallie et de leur nom lont appelle lombardie et mirent leur siege royal a ticinum: lequel lieu par les citez voisines print le nom de lombardie. Ce qui a este depuis conferme et declaire par charles le grant. Et ce nom lombardie nest seulement tenu et nomme a present que depuis verselles: tridentum: veronne boulongne et les montaignes ligustines Car iceulz lombars entre ceulx qui ont occupe ytallie ont este les plus orgueilleux et se sont efforce de muer le nom dytallie: et non pas seulement les noms des regions Mais ilz ont fait nouvelles loix. Et ont tousiours mue les meurs et les costumes et nom des choses: car mesme ilz ont oste le latin duquel les rommains et autres peuples usoient Et instrouit ung vulgaire langaige quon appelle maitenant ytallique. Laquelle latinite antique les gothes avoient beaucoup

corrumpu. Lesditz longo | bars come racompte paulus sont ainsi appellez pour leurs longues barbes Pource que ils tondoient la cosme de leur teste et laissoient venir le poil de la barbe long. Ilz avoient les vestemens larges et longs et la plupart les avoient de toile ainsi que les anglois et les saxoines. Ilz estoient aussi aornez de latz de fiz de plusieurs couleurs et leurs chausses estoient coupees iusques au iarret et depuis le iarret estoient liees de lacetz Premierement iceulx descendirent de lisle scandianue de laquelle partirent et firent leurs ducs ayon estanht. Apres la mort desquelz agilbondus filz dudit ayon fut fait roy et regna sur eulx lespace de .xxxii. ans. Du temps desquelz comme escript paulus une femme meretrice en une ventree eut sept enfans quelle gecta en une piscine et daventure ledit roy de lombardie en passant par devant eut horreur quant il vit les petits enfans soy esmerveillant que ce pouvoit estre et dune hache quil tenoit en sa main commença a les virer ce dessoubz dessus. Mais lung diceulz print en sa main ladicte hache: par quoy le roy esmeu de misericorde estimant que ce seroit une fois ung grant homme: commanda le prendre et faire nourrir. Et pource en son laingaige une piscine estoit dicte lama. Il lappella lamusius: lequel quant il devint grandelet estoit noble en ses faitz mais comme agismondus roy fut tue des vulgaires ledit lamusius fut subrogué roy et regna quarante ans: lequel apres quil eut recu le royaulme afflicta et tormenta lesdictz vulgaires homicides. Apres la mort duquel au tiers leteyus son filz succeda qui aussi regna quarant ans lequel aussi delaisa son successeur appelle dolchim. Apres lequel fut godolcus et regna douze

ans Lequel regnant print la province rugilandam contigue en la riviere danubiom et ladiousta en sa seigneurie. Lequel mort dalphon succeda et vesquit .v ans Auquel succeda tantus son filz et regna dix ans Lequel apres quil eut mis en fuite les eruliens tantost apres fut occis. Apres cestuy regna son nepveu vuacus qui regna dix et huit ans Auquel succeda balturatis et regna sept ans Apres lequel ung aultre vuacus son filz qui esmeut guerre contre les gepidoys et les svevois lesquelz il vainquit Et huit roys dessusditz descendirent de la noble ligne des linthigorois Apres lequel mort sans enfans masles Galtherius fut le .ix. roy des lombars. Apres lequel adoinus fut le .x. Qui premierement mena les longodobars en la province (*) | de panonye et de rurugillande en laquelle ilz habiterent par quarante et deux ans Et apres luy alboynus son filz apres la mort de son pere fut roy .xi. qui regna partie en panonie et partie en ytallie par treize ans. (*) E. iii.



ALBOINUS unziesme Roy des lombars fut grant en armes et courageux apres que il eut occis le roy gepides et tous destruietz et quil fut en ayde a narcetus prince de la bataille contre tetilla lequel occist : a laide duquel tous les gothois furent mis hors de ytallie : lequel a la priere dudit narcetus delaisa panonye et avec tous les longobars tant femmes que hommes avec .xx. mille saxons : leurs femmes et enfans et be-

stail descendit en ytallie et prit aucunes places ou il mist sulsulphe son nepveu lequel on procrea duc et seigneur et en procedant plus avant subiuga venise: mais quant il vint a tarvisium les habitans ne se voudrent rendre a luy: et par ce ordonna quelle feust du tout destruite Mais quant felix evesque de la cite homme saint ouyt quelle seroit destruite appaisa ledit albovinus et fist rendre les habitans a luy. Et apres quil eut prins veronne: brixie bergonne il entra en la province de insubrie ou il print par force millan. Et apres il mist le siege a papie ou il fust trois ans et le redigea a sa puissance: apres laquelle victoire en tresgrant pompe sen vint a veronne ou il fist faire plusieurs esbatemmes et y constitua le siege de son royaulme. Fist apres ung grant convy et ses princes et seigneurs et contraignit rosemonde sa femme fille de genimonde roy des gepides de boyre au test de son pere Car ledit alboinus quant il occist le dit roy des gepides Il fist enchasser son test en or et en fist ung hanap a boire lequel il commanda porter par tout avecques luy et comme dit est y contraignit boyre sa femme fille dudit roy gepides: de laquelle iniure ladicte femme moult courroucee delibera pource prendre vengeance de luy. Ledit alboinus avoit en son excercice emelchidus longobard noble de meurs et de forme qui estoit expert en armes lequel avoit familiarite avecques la chamberiere de rosemonde: laquelle voyant ledit emelchidus venir souvent au lit de sa chamberiere se mist en sa place et congnoissant quil estoit apres les delitz faitz contraignit ledit emelchidus de occire le roy son mary en faveur que apres il seroit roy laquelle chose il fist. Et la royne le voulant faire roy du] roya-

ulme les lombars ne le voulurent pas et ordonnerent apres la verite sceue du cas occire tous les deux Et quant la royne le sceu incontinent se departit avec son adultaire et sa fille avec grant quantite de pecune et sen vint a ravenne devers longin: auquel lieu non gueres apres comme dit paulus hystorien moururent par poison dont culx mesmes sempoisonnerent.

¶ Du roy loys de france douziesme de ce nom.



EN lan mil cinq cens et sept le roy loys de france douziemme de ce nom duc de millan assembla grant exercite de gens darmes tant par mer que par terre et sen alla outre les mons accompaigne des princes et plus grans seigneurs de son royaume et vint devant la ville de gennes pource que les genevoys avoient este rebelles a luy et a ses commis et cappitaines qui estoient en garnison en ladicte ville et avoit eu quelque meurtre et tresmauvaise machinacion contre le roy ne lui voulant plus obeyr. Parquoy le roy accompaigne de plusieurs nobles princes comme dit est arriva au moys davril pres de gennes pour y mettre le siege: et le .xxiii. iour dudit moys arriva au camps pour y faire donner l'assault arme de toutes pieces en tresgrant triumphe ainsi quil appartient a ung prince. Si avoient les genevoys fortiffie ung bastillon et boulevert assiz sur le hault dune montaigne por cuyder garder larmee du roy dapprocher: lequel bastillon estoit garny de huit ou dix

pieces d'artillerie moyenne et de pouldre largement et force de traictz et autres instrumens et oustilz qui a tel affaire appartiennent avec grant nombre de gens. Mais nonobstant ce a grant puissance darmes fut prins ledit bastillon d'assault par les gens du roy estans a pied en petit nombre au regard des genevoys lesquels ilz chasseret batant et occiant iusques aux portes de gennes: ce qui semble estre difficile a croire veu la grante puissance et quantite du peuple genevoys qui estoit Sur ladicte montaigne a deffendre ledit bastillon par dehors extimez a vingtz mille hommes. Et dedans ledit bastillon troiz ou quatre cens hommes. Lesquelz voyans que force leur estoit de labandonner mirent le feu en leurs pouldres et sen fuyrent. Laquelle chose voyant ceulx de la ville de gennes apres une autre desconfiture faicte de rechief sur leurs gens darmes se rendirent a la volente du roy: lequel les print a mercys en lhonneur de la passion nostre seigneur. Luis apres fist son entree en ladicte ville en grant triumphe.

C Lordonnance et police faicte par le roy en ladicte ville de gennes.



Le deuxiesme iour de may apres son entree faicte ledit Seigneur se delibera de recevoir le serment de messeigneurs de gennes: cestassavoir du peuple povre et riche. Et pour ce faire fut dresse en la court du dosme ung eschauffault moult richement pare: sur lequel avoit une chayre ou le roy avoit son poille dessus

comme sil eust voulu tenir son lict de iustice: et y avoit sept ou huyt marches a monter sur ledit eschauffault Le roy estoit bien acompaigne de plusieurs princes et seigneurs et de six cardinaulx et .xviii. prelatz. Et la vint ledit peuple maigre et gras en grant nombre. Dont ung nomme messire iehan illue docteur commença sa harengue. Et entre autres choses quil dist remercia pour et au non dudit peuple le roy de la grace clemence et misericorde qui leur avoit faicte considerant la ruyne: captivite et desolacion en quoy ilz estoient tombez par aucuns particuliers de la ville: puis requist au roy que son plaisir fust leur pardonner loffence quilz luy avoient faicte en general et en particulier: les entretenir en leur privileges: statutz et ordonnances: appeller ceulx qui estoient hors de la ville: delivrer les prisonniers qui estoient au chasteau: lequel y estoient par avant quilz fussent ennemys du roy. ¶ Sur quoy leur fut respondu de par le roy par la bouche de ladvoct de naples apres que le proposant eut dit ces motz soy prosternant et enclinant a terre cestassavoir Cor contritum et humiliatum benigne deus non despicias. Dit ledit advocat de naples que le roy leur pardonnoit en general et en particulier: et de ce commanda faire lettre dabsolucion: quant a la delivrance des prisonniers il ne leur fut rien respondu. Et au regard des privileges anciens que le roy leur avoit autrefois confermez et donnez Iceulx en la presence dudit seigneur furent desseillez: et les laz de soye coupez et bruslez sur ledit eschauffault. Et furent rappelez ceulx qui estoient hors de la ville pourveu quilz revenissent dedans ung moys ou aultrement leurs biens seroient confisquezz: reservez ceulx qui furent la nommez

qui nestoient pas du nombre de ceulx | qui pouoient
revenir. Pource que cestoient ceulx qui avoient mutine
le peuple. Puis le roy fist approcher les douze anciens
de la ville: les douze de la monnoye. Lesquelz iurerent
sur les saintes evangilles de dieu: aussi fist tout ledit
peuple destre dorenavant bons et loyaulx et de entrete-
nir et observer les articles et statutz qui furent leuz
par ledit advocat en leur presence. Et ya autres choses
quilz ne prendront iamais aultres alliances avec nulz
estrangers sinon aux alliez du roy. Et de son congie
quil se feroit monnoye dor doresnavant ou il y auroit
escript Loys etc. Duc de Millan et seigneur de gennes.
Et que sur peine de mort naturelle on ne criroit point
en la ville Adorne: Forgoust ne populo. Et que ilz obei-
roient a son lieutenant et gouverneur lequel pareillement
a fait le serment en leur presence es mains du roy de
bien et loyaument leur administrer iustice sans riens pren-
dre. Et quil pourvoyeroit aux offices qui vaqueroient
sans riens prendre. ¶ Pareillement aussi le roy leur
conferma leurs privileges de saint george: et en con-
clusion remercierent le roy: disant que Charlemaigne:
Pompee: Iulius cesar: Hanibal de carthaige ne firent
oncques en leur vie si grandes graces a ceulx quilz avo-
ient conquis a force darmes comme le roy trescrestien
pere de peuple: usant de clemence et de grace leur
avoit faictes.

C Sensuyvent aucuns noms et tiltres adioustez par maniere de soubriquet et dit commun a aucunes villes.

ROMME la sainte a eu iadis le bruyt
Sur toutes villes comme il est escript
En ses gestes et en plusieurs lieux
Roys empereurs ainsi comme on lyt
Ont eu triumphe en elle et deduyt
En tresgrant pompe et ieux solacieux
Mais pour oster de ce le cas viceux
Iay ouy dire tant au disner qua soupper
Quen france est tousiours paris sans per

C Venise la riche excellente et puissante
Sur toutes villes est la plus surmontante
De tresors et pierres precieuses |
Ainsi quon dit nest trouve sa sequente
Car en biens elle est moult affluente
Dor et dargent et de bagues pompeuses
Mais pour laisser ces choses illumineuses
Sans nul debat et personne frapper
Paris en france si est tousiours sans per

C Naples la gent sur toutes decoree
Est en tous lieux dung chascun renommee
Pour les grans biens quon a trouve en elle
De gentillesse est si bien accoustree

Tant mignogne et tant bien aornee
Quon ne trouve ce dit on sa sequelle
Dont grandement de ce ie memerveille
Car pour ce nom qui est trouve non per
Paris en france si est tousiours sans per

C Florence si est dicte la belle
Sur toutes autres on dit que cest celle
Qui est ornee de la plus grant beaulte
Et quil ny a en la ville estincelle
Dordure necte est comme une perle
Qui est ung dit de grant auctorite
Mais pour venir a la vraye verite
Je vueil bien dire sans tailler ne coupper
Paris en france si est tousiours san per

C Gennes superbe tresfiere et orgueilleuse,
Porte ce nom comme presumpteuse
De toutes autres ainsi que le prenon
Se dit estre en biens la plus heureuse
La plus forte et la plus vertueuse
Quon trouve point en nulle region
Mais se france icy nous comprenon
Et a son blason nous voulons occuper
Paris en france si est tousiours sans per

C Nous disons millan la populeuse
Estre garnie de gent laborieuse
De tous mestiers est trouvee la maistresse
A lentretenir elest fort ennuyeuse
Sicomme on dit: et gent malicieuse

Tenue doit estre en tresgrant destresse
Sans riens blasmer ne faire nulle oppresse
Il ne fault point nulles villes tromper
Paris en france si est tousiours sans per

C Londres lenvieuses en angleterre
Sumptueuse: male gent: bonne terre
Noble cite tresexcellent et forte
Riche habondante de gens de guerre
Tresfors hommes pour ennemys conquerre
Cest cy ung point que grandement ie note
Mais pour venir e deffermer la porte
Qui est paissaige pour les gens attrapper
Paris en france si est tousiours sans per

C Bruges en flandres tout le monde
De toutes pars ung chascun y habonde
Tant de midy comme doccident
De gens mutins et furibonde
Assez le pays en redonde
Dont leur renom va iusques en orient
Et aussi oultre le hault mont urient
Qui en ce temps voulut la lune happer
Mais en france est paris tousiours sans per

C Paris san per estant en france
Est aussi sainte comme romme
Aussi riche par ordonnance
Comme est venise que ie nomme
Excedant londres en excellence
Comme naples aussi gentille

Et aussi belle que florence
Fiere et orgueilleuse ville
Comme gennes forte deffence.

C Cy finist la cronique de gennes.




TAVOLA I.






TAVOLA II.

